

三怡堂叢書

菱谿詩集

三八

雍邱何奕光著

菱谿詩集

後學蔣藩書



丙寅孟夏初吉

河南官書局刊

何叔獻詩序

勝國時崇禎癸未試禮闈余獲隨中州何大次太史後乘步趨長安道上稱相得無何寇陷都城大次死之余亦飄零吳越垂四十五年而後還蜀今五十有二年矣壬申春旂山舍弟令於葉余復驅車苑上迴歷楚豫間尋問曩時同籍諸子如煙雲變滅無有存者爲歛獻久之閱一歲大次之弟次仲以邑訓至葉握手道舊如見大次焉再一歲次仲之弟叔獻又以省兄至葉余諦視之皆龐眉皓髮氣宇端嚴不獨如見大次且如見當年冠裳劍佩之盛不自知其興懷而隕涕也嗟乎以何氏兄若弟之品之才楚楚

然盡廟堂選而卒以華門饗舍老豈非時爲之哉雖然人生地上寓也卽白首鼎鉉其與幾何亦顧所自立耳叔獻將歸杞遺余樗園游燕二集且命之序余惟叔獻好學深思探濂洛之秘善詩歌好爲古文辭杞邑新志悉出手訂其大概也今讀其詩典雅清逸具開元大曆之風可謂以言自立矣石室名山垂之不朽夫何疑余方處家弟之變心亂神瘁不能構一言以重三都姑記兩年來遇合之緣聊以紓五十二年離索之憾序云乎哉感慨係之矣

康熙甲戌秋晚西蜀年家弟呂潛頓首拜題

菱谿詩集卷之一

武林嚴沆顥亭先生 雍丘何彝光叔獻著

博浪趙賓錦帆先生 選 同里孔延禩燕貽校

隴頭水

飛流經隴阪今古斷腸聲九折關河地十年雨雪情鐵衣

眠塞草蘆管出邊城聽盡潺湲水何時洗漢兵 錦帆云通篇新警○

顥亭云結句沉着久戍之情如詩

關山月

漢月關門迴閨中萬里愁影搖青海浪輪轉白榆秋兔魄

寒刁斗蟾輝冷做裘軍書方苦戰須照黑山頭 錦帆云丁寧語翻舜

澤案○顯亭云
通篇氣象森肅

折楊柳

二月垂楊樹春光一半過
絲長牽恨遠條缺贈行多
粉蝶枝頭墜流鶯葉底歌
玉關消息斷攀折竟如何

梅花落

春寒珠箔捲飛雪滿中庭
不是飛來雪梅花一夜零

椒史云四

句一氣警 殘香飄綺席細萼散疏櫺
落盡隄前樹君從笛

裏聽 結韵 悠然

長門怨

履跡長門斷君王寵漸移
年華覽鏡惜心事捲簾知
晝寢

銅蠡靜宵啼玉筋垂

賦細

相如作賦客仍聽白頭辭

用意甚別

明妃曲

琵琶千載恨粉淚落邊塵徒有和親策應悲遠嫁人
煠煙青塚月歌管漢宮春金屋君王意嬋娟命不辰

回護得體

長信怨

班姬勤擣素漢主愛投壺飛燕方同輦蛾眉且向隅
螢光秋殿冷扇影月輪孤

佳句

借問椒房監皇孫啄剩無

椒史云含蓄無

暇最得人微吉

銅雀妓

西陵餘霸氣幃帳已蕭條落日銅臺上如聞吹玉簫
艷歌

傳舊曲遺令隔重霄侍寢先朝妓休言鎖二喬南董之筆奸雄胆落

馬嵬

淒涼天寶事龍馭此停鑿古驛無燈火新粧取次看當年實境

瘞香金翠冷埋骨玉脂寒薄命紅顏分君王蜀道難顯亭云怨

而不怒

俠客行

玉勒青驄馬長安遊俠郎光芒衣袖裏匕首迴含霜挾彈

千門側輸金六博塲報管思飲血祥醉酒饑傍俠情如畫

首雖係舊題能出新緒非胸具全史者不能道隻字

汴京懷古

炎宋鴻圖久寂寥
蘆笳哀咽起中宵
翠華人去辭梁苑
蜀

幕魂歸繞汴橋

警切

殿廢狐鳴深洞口
樓空月轉女牆腰
漫

將陳跡傷前代
城闕曾驚萬馬潮

壬午寇決黃河汴城淪陷○從來弔汴諸作當

推此為擅場

艮嶽

昔年艮嶽此孤亭
細草依然葦路青
花石遠尋滄海貢
龍蛇難辨侍臣銘
寒沙白骨金人壘
雨夜黃冠宋帝靈
惟有

西風隔浦笛暮天
愁絕倚樓聽

通篇工緻

石塘尹節婦歌

為長葛尹孟誠賦

橫槍曾照梁分野
中原萬堞如崩瓦
封豕長蛇捲地來
鴉

噪骷髏血飲馬崩雷怒矢石堙城家家羅綺斷腸聲元直
未歸阿母泣携男聊作路旁行千羣鐵騎明如練掩映紅
粧搖歌扇貞心不步蔡琰塵一時母子同飛電故園煙樹
久迷離荒塚淒涼人不知艱難未遂保赤願慷慨空傳絕
命詞釣臺使者江南沈新詩句句都如錦採風按入絃索
間能使冰霜至今凜精衛填溟去不回杜鵑啼血臨荒臺
填窮滄海流空血化爲春草雨中來

錦帆云通篇警
切饒有餘味

題重修觀音寺壁

十年烽火舊花宮金界重開寶殿雄
祗樹風搖秋靄裏僧房人老磬聲中

二語
清脫

碑存蟲鼠千年古鏡轉琉璃萬象空

繫馬禪門徒竚立擬將生滅問休公

行經玉帳

祀北十里相傳漢高帝駐蹕處

柳遶長河水面齊行人怡溯水邊隄六龍不駐金符杳獨

鳥偏尋玉帳啼

對法流勒

漢碣雨餘荒蘚合秦雲風捲暮天低

由來興廢都如此惆悵亭亭日向西

過汴廢藩宮殿遺址

明周藩

十年征戰後幾到故宮西

錦帆云起便悽然

畫閣停簫管朱門沸

鼓鼙頽垣叢桂發深院綠篁齊

切藩邸

惆悵王孫草青青沒

馬蹄

五馬為龍識何期事已非金鞭從此折玉輦罷西歸

顯亭云用

事確切足人俯仰

麋鹿遊荒徑蒹葭隱釣磯綺樓雙燕子春到傍

誰飛

一作居然少陵

過上洛郡王舊宅

桂郎今茅舍人傳上洛名牆花牽客袂谷鳥學歌聲未得
為毛遂常聞薦賈生鄰家吹暮笛嗚咽不勝情

題信陵君祠

蔓草思公子丹青有舊門

錦帆云起得渾淪悲愴一氣注下

我來空灑淚

誰解賦招魂鴉噪將軍樹人器國士恩精切惟餘三尺劍寂

寞掛黃昏

題相國廢寺

流寇決河汴京淪陷寺為水壅

瓦礫前朝寺相傳至正年晨鐘客始到池水月空懸鮫室
圍青草龍湫漫講筵畫梁低著地何處覓諸天

永日禪門閉河流盪劫灰佛因巢鵲壤僧是結蘆來

椒史云用

字確切碑有苔花繡經無貝葉裁污泥真不染還認舊蓮臺

題新修明遠樓

舊是梁王苑鄒枚此地遊廿年餘破壁昭代起高樓

四句一氣

檻入玻璃影隲涵蟋蟀秋

茂秦警句

金風初獻賦冠蓋滿中州

題汴城東門樓

張中丞康熙元年新建

畫棟千尋起巖城百雉高河山人廣座千羽俯空壕月裏

聞清嘯風中試寶刀前星方出震勲業在龍韜

椒史云高華壯麗大

雅之
音

鼓樓

鐘樓為郎中丞所毀

鐘鼓樓元並雄雌一旦分孤標存勝槩十丈入寒雲慷慨

漁陽調淒涼武穆軍登臨無限淚一洒信陵墳

語語沉著

繁臺秋望

古吹臺

高臺焚劫後臨眺復清秋雞犬纔三戶蒿萊自一丘長隄

濤泛泛落日鬼啾啾斷碣遺文蝕看題淚暗流

碑文慶陽李夢陽撰

浮沉七百載北地有雄風臺榭追遊裏衣冠悵望中翻書

塔院靜燒燭佛堂紅盛事今搖落饑烏散井桐

鐵塔

明周藩建

錢色浮屠峻登臨憶往年聳身瞻岱華回首俯郊廓水鶴
巢珠頂天河巨法蓮名藩薦福地時見雨花禪

夷門

落日城頭望夷山無復存黃流奔萬馬白骨散千村勲業
歸公子饑寒老監門狹斜遇知己風雪一開樽

何等胸次
何等眼目

梁園值雪

時總制劉
公入汴

高樓北望雪紛紛紫塞飛來雁幾羣

顯亭云二語
亢爽可誦

十做貂

裘蘇季子孤墳蔓草信陵君

以實
對虛

寒爐悶撥今宵火破壁

煙生古樹雲

警

昨日嫖姚新賜第滿城笳鼓奏斜曛

是日
制臺

履任

除夜時寓梁園

寒風除夜轉蕭蕭散髮空庭望斗杓客館散愁惟臘酒綺

筵作頌罷春椒飄零雪片侯生里岑寂梅花公子橋明發

登臨占物色危樓十丈入煙霄結語着勁

京師宴許將軍林亭將軍以開國勳封定南伯

徹侯池館在京華感慨興亡日未斜降表已空南渡業

璽書今賜寶融家風飄鐵笛遙聞響雨滴銅駝夜有花雋句

舊府東山歌妓在樽前含淚撥琵琶錦帆云叙申酉事淋漓痛快令人讀之如

飲醇醪數斗

寄候泗州黃無技侍御兼惠所著道德經賦謝

黑髮懸車泗水邊，鐵冠高掛擢漁船。
人同梅市逃名處，客憶龍門解榻年。
白露園陵河岸草，青山樓閣海城煙。
欲知叔度平生事，宴坐焚香註五千。

顯亭云筆筆深穩一字不能增損

杜肖衡歸自五河旋有卜居陽武之行

杜成都人舊爲陽武縣令

鶴裘欲典淚沾巾，匹馬關河一病身。
棋局江村方昨歲，元戎小隊更何人。

錦帆云用事精切句法流動

簾前賣卜淮陰市，醉後扶

筇泗水濱，同在泥塗君更苦，天涯相見白頭新。

聞君卜築向河梁，野老村邊幾樹棠。
三徑秋深鳴蟋蟀，百花潭遠憶滄浪。
人經兔苑題新賦，馬渡桑乾認故鄉。

警言句舊

隱蘇門，泉石在高臺，鸞鳳總荒涼。

二首敘事言情極其老氣

關海臣被逮杞中書贈

十年高卧草玄廬何事相逢縲繫餘漢史應憐湘客賦鄒

陽新上獄中書貼盤餐旅舍同人少桃竹家園入夢虛回

首名山饒大業南冠暫對莫欷歔

贈淮西王巨華

巨華蜀人常以諸生起兵與獻賊抗其父諱鉉官南昌太守明亡殉節贈

太僕寺卿

早被儒冠誤風塵滿黑貂老為淮水客舊射蜀江潮草檄

衡廬定揮戈翼軫搖移山心未遂生計伴漁樵

太僕千秋節如今野老傳兩行憂國淚百口渡江船吳楚

瓜分地乾坤血戰年祗今螺水上淒楚聽啼鵓

顯亭云據
慨悲歌讀

之令人
泣下

送王旦華歸淮西兼訛黃無技侍御

飄零淮水上歸計木蘭舟客路延陵劍行裝季子裘衣冠
前輩望風雨舊時秋君到青門外停車訪故侯

濛濛江上雨常憶夏黃公从絕攀龍意翻成失馬翁園供
新紫笋人識舊青驄莫謾歌招隱淮南老桂叢

寄黃門魏環極先生

細雨梨花夜懷君左掖中直廬雙鬢白封事一燈紅珥筆
時驅馬櫻桃舊滿籠傳聞隨玉輦何地訪崆峒

雅調新聲
殊堪咀味

壽沈太夫人六十初度太夫人爲大梁兵憲位菴先

生尊慈以閏七月生年彌甲子復閏七月是日有
產雙鹿之祥

鈞臺玉署有丹丘王母臆扉報曉秋六絕春秋驚再閏百
花麋鹿喜雙遊人看彩服飛萊子頌獻齋宮醉魯侯冰雪
千年彤史在栢舟常汎大江頭

題亭云應酬
絕無俗韻

壽督糧張爾成先生

玉節遙臨鄴金壘近祝嵩名高三策上賦就兩京雄賜露
傳仙掌分圭出漢宮秋霜瞻斧鉞春水汎幢幪白粲千江
裏黃花二月中橋門初罷講流馬遂成功珮璫無勞詠倉
箱賴此同招延傾上黨經史醉扶風橫槩銅臺壯看花晝

錦紅玳筵陳海錯琪樹倚山叢笙鶴來縵嶺霓裳下碧空

遠年應好道曳杖訪崆峒

錦帆云通篇壯麗結句超然

送張爾成先生內詔入京

留滯周南太史還鵠舟簫鼓是神仙甘棠古道一千里流

馬中原十二年驛路疏鐘清曉夢禁垣高柳帶鳴蟬遙知

侍從承恩日羽獵長楊次第傳

詞華兼至

題陳都事草堂

時以給諫謫居在杞

謫宦情何似梁園八月秋誅茅成小徑卜築近滄洲家有

羊羔酪身披鶴氅裘

新

濟州今在眼日暮更登樓

結勁

老作名藩掾飄搖一做廬持籌今日事折檻往年書冷落

牀頭劍蕭條壁上魚京華高萬里北眺獨躊躇
顯亭云前首思

家後首懷君忠愛之情可挹

幾載遲遷跡天心竟若何人同梅市隱客比翟公多
沈鬱不減

少陵樊槁名常在憂時鬢欲皤嬋娟憐小婦閉戶日笙歌
結意

超然謫居無戚戚之態○三首有隱有秀深得老杜用筆之法

重送王旦華歸蜀葬父崑絃先生
王公鄉試第一

大節全江右鴻名滿蜀中詞源巫峽倒天馬驥羣空曠達

陶元亮清真魏了翁文場推冠冕盤錯屬英雄雷電刑章

合雲霄劍氣冲多艱逢國步萬死誓臣躬列郡金湯毀新

亭涕淚同氛塵持漢節瓦礫走吳宮九廟神靈護三台簡

劍崇連營驅虎豹飛輓泛艫艨草檄馳黃絹輸誠貫白虹
憑誰支大厦徒自仗青銅嘔血丹心苦留歌正氣終招魂
吟楚些藁葬對江楓令子槐庭士雄篇小庾工乾坤尋淨
土日月表遺忠一騎關山遠十年途路窮買山封馬鬣扶
視入蠶叢金骨黃芽變仙姿白雪融莓苔千古繡松檟幾
年豐猿叫哀音斷鵲啼灑血紅王哀元避世切莫逐飄蓬
長篇序次秩然節節不亂典切中
兼有生氣少陵集內亦不多得

都憲彭公秋閱

中丞按部此登壇雲霧遙連獬豸冠南陌旌旗嘶萬馬西
風部落總三韓雙雕落地紅塵起一劍飛霜白日寒慷慨

從軍心獨切漢家麟閣古來難

錦帆云高華壯
麗北地遺音

王師將下兩粵過杞

王師詔遣發關中橫海樓船百粵通白羽千羣嵩嶽外黃

雲萬里大江東妖星夜落天河水宛馬春驕細柳風漢將

登壇銅柱在捷書先奏未央宮

錦帆云亦
自杜麗

新募兵從下兩粵

寶馬雕弓出縣門新兵遠勝石壕村一時插羽從官長幾

處銜枚報國恩桂嶺雲深藏虎豹榕江潮落散雞豚行行

莫恨炎方惡瘴癘煙消荔子繁

首春訪王氏表兄不遇

梅花新歲色草閣又東風客路頻經此清樽恨不同魚鹽
供賦稅經史課兒童佇立斜陽裏閒門草一叢顯亭云布
帛菽粟之
言

寄馬椒史山人

時寓
嵩山

聞道支離後深山爾尚存重來應白首何寺度黃昏薇蕨
天王地蓬蒿處士門嵩高極望處俯仰任乾坤錦帆云詩
皆情至之
語椒翁風節
居然可見

覽鏡見白髮

潘年三十外始嘆二毛侵愁劇空憐我霜華早冒簪封侯
羞紫領作賦賤黃金玉鏡徘徊裏秋來幾度吟章法
極妙

秋夜得椒史書

寒雨小窗前孤燈夜不眠故人書札到祇有淚潺湲偃卧
惟耽酒行吟不離禪昔年梅杖好挂到幾重泉

清空一
氣如畫

劉陶菴書舍

數卷經書絕送迎廿年燈火賦初成螢飛暗牖蕭條影蟬
噪高槐次第聲白玉仍依徐孺子黃金誰念魯諸生烽樓
故市津橋柳日暮猶含出郭情

采齊肆
夏之音

寄任子闇秀才

時依陳弁
居杞佛寺

茂陵多病久離羣佛閣丹青日半曛
逶迤座天花當檻落穿林清梵隔牕聞
短衣彈折齊門劍長笛吹殘破寺雲

警
句莫

謂禪宮知己少談詩應有鮑參軍

顥亭云清麗之作不減錢劉

秋夕李洮石兄弟過訪

叢菊經霜花正開謝家兄弟看花來
蓬蒿滿眼秋三徑蟋蟀孤燈酒一杯
鴉噪暮雲人倚仗馬嘶殘月客登臺
明朝爛醉歸途遠知向荒村首重回

錦帆云氣骨風調無不佳令人一唱三嘆

馮玉九先生過訪

深夜門停長者車馮唐老去問樵漁
丹砂舊約千年後白首新開萬卷餘
潦水侵階蘋葉冷霜花遶徑雁行疏
胡麻供給山中飯剪燭焚香賦子虛

孔燕貽廣文謝病歸里

驅車昨日倦遊還
楊子門多載酒船
三徑惟餘雙白鶴
十年不暖一青氊
琵琶水上憐司馬
苜蓿盤中老鄭虔
綵筆由來千氣象
夜深搔首問蒼天

雨中效酌送張晉卿歸莊

秋風山館雨蕭蕭
桑落樽開送客遙
小院鳴翻松栢樹
高樓人聽鳳凰簫

歸鞍盡涇連錢馬
去路還經鐵鎖橋
野外陰晴難可定
尺書莫厭早相招

顯亭云調高氣厚詞壇大將

初秋蔡垞復上人過訪

上人天津人近有嵩少之遊

禪居幾載白雲封
一葉飛時杖錫逢
北望孤舟凌海氣
西來何處踏嵩峯

經翻貝葉深宵雨
漏滴蓮花遠寺鐘
佳句歸

去中郎遺跡在還將琴韻問雙松

顯亭云雅韻翻翻在袁凱林鴻之間

般若菴早發留贈菴主

繫馬禪門客未迴曉風花滿誦經臺人疑暮雪山陰棹榻
指南州孺子來但有疏鐘銷白晝何勞履跡印蒼苔梵宮
西眺王侯塚石馬金鳧無限哀

菴近潞陵

自河北抵浚儀作

拂劍歸來興欲闌濁河兩岸隔風湍維舟小宋懷文藻久
客田文罷鉞彈千里書歸鴻雁候五年塵滿鷓鴣冠談詩

近代推司馬

王廷相

墓表碑銘仔細看

亦自悲壯

縣宅老槐一株生意盡矣遠遊初歸感而賦此

古木霜皮歲月深，婆娑猶自滿庭陰。
 樓鴉尚憶人初散，繫馬偏宜客遠臨。
 去國三春王粲賦，還家一日老萊心。
 連宵風雨蛇龍怒，四壁愁聽蟋蟀吟。
頽亭云不即不離詠物詩最為得體而清新老到迥非時流所及

聞姚子棟登第志喜

子棟舉不滿二百餘字

君預鄉書薦清朝，重老儒無從舌矍鑠。
 且為立斯須，駟馬

高題柱，酣歌罷扣壺。曲江明歲柳，攀折寄潛夫。

制舉王錢後，科名不負難。元音聽韶濩，正朔想衣冠。

子棟關牘

居然濁水蓮花淨，風塵鶴骨珊。文章憎命達，今日始登壇。

二首清真如話

代人登第後上其業師徐孝廉則仁先生

南州高士徐孺子節概千年揖青史先生崛起兔園東儒
雅風流亦復爾愛日堂前朝景舒鄴侯架上有藏書綵毫
喜作三都賦白首新開萬卷餘少年射策蘇門館崩雷掣
電何侃侃如今收攝坐春風斑衣屢舞公車懶公車懶上
憇巖阿五經腹笥口懸河馬融帳小簾高捲揚子亭虛月
正過小子生涯最潦倒父書零落慈親老荻柴畫地不成
文范滂之傳終草草先生大業比文中猶幸提携一藥籠
藝苑紛紛等塵土鑽研上索窺鴻濛秋風仙桂花如霰看
花乍入梁王苑從來百練是丹砂雕蟲小技何足美方袍

綦履日隨羣夫子名高處處聞
經綸耻作永嘉相著述不

數温陵君

顯亭云篇中古拙處益見新奇

落第後簡商丘劉山蔚

秋風曾賦大梁行別後空齋對月明

錦帆云起得磊落不羣

幾處清

樽邀賈傅十年衰草弔侯嬴

借喻朝宗

牀頭劍冷干霄氣機上

人聞促織聲寵辱不驚吾輩事天涯餐飯不勝情

錦帆云新警處

已開生面何必拾唾宋人

贈廣文周行方先生

科第知名早清風自汝南窮經猶白首薄祿且華簪斗酒

詩常百鳴琴漏過三

字法

壯心渾未冷壁上有龍鐔

結勁

奇字何人識今朝遇子雲翻書窮四部娛老在三墳麗曲
頻頻顧名香夜夜焚空齋無一事落葉亂紛紛

憶自彭宣到笙簫絕後庭憂時雙鬢白留客一樽青汗漫

囊中草殷勤坐右銘行當蒙顧問珍重舊元經

隋王通著元經

閉戶愁三飯忘機卧一瓊甕虛陶令酒人送沈郎錢出郭

驅羸馬移家淺瀨船春暄不到地風雨足高眠

錦帆云四作沉雄老

到曲終更屬雅奏

陪祀冉廟呈周廣文

禋祀趨賢冢頽垣一徑深丹青四科首俎豆百王心墓草

叢蒼長庭槐啄木侵數椽仍不蔽行客淚霑巾

對越祠前地追隨汝上賢經殘秦帝火碑樹魯儒阡破屋

風雷跡高岡黍稷田廣文無外事歸馬夕陽天

足稱
前作

將有陳州之行不果戲作解嘲書呈同社諸子

尋芳拾翠總虛名懶向粧臺策馬行錦字詩成回雁杳霓
裳歌罷舞衣輕人歸綠草株林院夢繞青樓太皞城幕府
將軍新折簡瓊筵應許醉飛卿

閒題落葉釣磯頭不比宮牆隔御溝祗爲尋真聊採藥卻
同訪戴且迴舟愁深白髮三千丈目斷紅塵十二樓傳語
故人休過謫相如曾典鷓鴣裘

訪錢一公衛曹因寄宋玉虎吳周行齊誠之諸同志

戟門不到幾經秋
又上將軍畫角樓
琴裏知音惟我在
寒宵一曲破人愁

走馬彎弓舊射聲
樽前拂劍氣崢嶸
梅花正好堪裁賦
不見當年宋廣平

季重貧居河岸村
將軍筵上問柴門
來時爲道常相憶
秋草茫茫接夢魂

彈鋏齊門憶昔年
緘書曾約訪嬋娟
何郎尙在周姬死
留得殘毫弔九泉

半隱云清新婉至聲韻鏗然

重過陳州有感

較前數作可稱後勁

天皇舊跡有荒丘
城郭人家冷似秋
歌館重來無意緒
相

如空典鷓鴣裘

瓊樓綺閣舊朱門劇寇來時瓦礫存二十年來生聚好骷

體尚有未招魂

寇亂之後情景如是

文章經世晁家合簿領陶情蘇子由絕代高蹤誰繼起春

風腸斷碧雲樓

明季有名輩崔泌之構碧雲樓以貯美姬

菱谿詩集卷一

菱谿詩集卷二

遂寧呂潛牛隱先生

雍丘何彝光叔獻著

黃岡杜濬于皇先生

選

睢陽田蘭芳箕山校

恭上世祖章皇帝輓詞

萬里瞻雙鬪龍髯不可攀鳴鐘招戚里內殿哭寯班雉扇

行將掩霓旌去忘去聲還圖中看日表彷彿覲天顏

睿德承家遠英姿御曆長三章開帝業四馬射天狼商人句

貢新南海來朝舊越裳含悲望八駿應在白雲鄉

慘淡雙溝月仍連金水橋禁池鳧自浴天仗馬還驕章法不亂

線一減膳傳光祿端居憶早朝廿年憂國淚霑灑向中宵深見

情

舊日魚龍渡還應想翠華起句叢林無射鹿輦路但啼鴉

夜雨新豐樹清霜上苑花最憐哀慟處深谷有人家

永巷脫簪誠仙宮飲露觴雅章傳樂府艷曲罷霓裳剪葉

勞周史封書到夜郎帝心推絕域臨弔有扶桑一句

仙馭歸遼海遺弓墮鼎湖人傳中禁語淚落小臣珠白草

山陵遠青松寢殿孤今朝漢天子何處聽嵩呼結語沉慟

哀輓諸作典貴中兼饒

真至居然哀册名篇

壬寅元日作康熙改元之歲

空庭梅萼幕朝煙薄暮春從蠟炬懸南紀干戈仍舊歲東

風天地是元年少陵城頭絡繹勞飛輓額外徵求起夜眠

今日雲霄多獻納聖人垂拱未央前烏盟云傷時感事最為得體

上巳途中

爛熳春光被禊辰窮途阮籍獨傷神提壺欲喚沽美酒芍

藥新開點絳唇雋永千里鶯花寒食候百塲蹴鞠太平人

永和春色猶堪賞無那烽煙日向秦

春日謁二鄴生祠

漢代留冠冕賢哉此布衣耆年仍杖策村酒舊忘機樹暗

龍鱗老碑殘鳥篆微齊東遺恨在風雨杜鵑飛烏盟云精工內有雄

渾氣

奮跡風雲會功成異死生共驅秦鹿走未許呂雞鳴確伏

臘居人事蕪繁過客情停車時借問日晚聽樵聲

王浚川先生墓諱廷相儀封人

豐碑古塚獨躊躇司馬聲華百祀餘勲在金滕曾賜額風

清玉帳舊懸魚墳頭宿草麒麟卧壁上遺文蚪蚪書琢句精工

回首當年東閣冷誰因詞賦薦相知感嘆有情

伯牛岡謁冉子祠

斜岡曲抱白雲村岡頂賢祠獨閉門往日空齋常卧病祗
今騷些未招魂一庭俎豆懸蛛網三徑莓苔斷履痕欲訪
遺書求至道古碑零落字全昏

長歌寄上大司農玉立梁公

先皇御極十八載削平僭亂壹寰海吳越行聞獻帝圖滇
黔久識拔賊壘白翟南來自越裳降王兼走公孫隗問誰
談笑清域中風流司馬黑頭公龍韜舊授圯橋術虎拜新
銘召伯功鼎湖弓墮龍髯遠能調玉燭戈矛偃七德罷舞
九功歌特進尙書兼賜袞承恩休沐門常閉肩輿暫離長
安第康樂時爲花月遊袁安每下蒼生涕昨年雷雨發金
滕今上蒲輪不少停還公尙書位兩府逍遙治粟與明刑
勲高豈必畫麟閣太平焉用禪云亭憶昔余兄廁金馬漢
廷磊落多終賈無復中郎善解琴空餘陶令白蓮社郡國

年來災稔餘縱橫狐兔滿村墟胡麻不飽山中飯蠹簡無
存架上書白屋朱門望已斷綈袍終未忘霄漢慙慙頻草
水旱疏如今聖主方宵旰

牛隱云敘事條達秩然不亂
結語得忠告之道長篇上乘

春日村居

白屋先人業青青十畝桑田園供賦少筆硯逐年荒

實境鴉

度千村外鶯啼一水旁隣家勤杼軸夜夜照流黃

已分辭麟閣猶堪挽鹿車身孱知藥性屋漏溼農書

句法酷似

季牛飯三更後鶉衣百結餘黃精一畝半珍重帶經鋤

過盡黃鸝侯從無載酒來沙田微雨潤茅屋颶風災二室

何人往三花幾樹開雙魚招馬援久爲掃莓苔

椒史時
寓嵩山

不信春光老紅芳日夜飄鳴鳩來穀雨野客過谿橋病起

親書卷愁多棄酒瓢草衣誰氏子牛背坐吹簫

何等自在

春盡梁園月千花競牡丹小堂雙樹合永夜一樽寬爛熳

黃昏雨翻飛白石欄玉人歌未闕何處角聲殘

秃筆千時拙斑衣愛日長艱難仍索米偃偻且循牆

半隱云各

承上二句絨線極密格律極嚴

膝下蓬頭小門前赤腳忙三春無客到白

眼卧繩牀

結句有湖海氣

獨坐披山海閒居註馬蹄石橋春落雁花塢晝鳴雞南國

疲征歛中原罷鼓鼙寥寥桑柘外紅日影初低

此篇用筆深隱絕無

所犯可稱全璧

索處經年久依然鳥雀門盤惟堆苜蓿村自長兒孫未返

東甌使難招雪苑魂嵩高極望處春草遍平原

東甌雪苑謂韓賈二

君也○岷公云村居數首篇法句法無一不妙徇爲五言長城

馮玉九喬梓招至浚儀推轂藩幕遠巡辭歸賦此贈

別

離別動經年招尋到浚川
飲聞黃石術儼見白眉仙
國史千秋繫家聲二仲傳
旣披小庾詠復聽伯牙絃
愉婉趨庭謹漏爛舞袖偏
烹雞兼膳客沽酒不論錢
話舊殘宵漏傷貧問石田
梅花雪信早金獸炭灰燃
博物推前輩時流敢並肩
醉吟予落落腹笥爾便便
桑海羣情異寒暄吾道堅

樗材濫操斧，鴛騎欲揮鞭。
薦草孤徐庶，通經老鄭玄。
多慚設絳帳，祗解卧青氈。
懶入低頭府，還登乘輿船。
家園饒芋栗，野景足留連。
布被殊多暖，鶻冠且自全。
八旬欽杖履，百里隔風煙。
此夕論文尊，明朝餞別筵。
臨歧無所贈，三復養

生篇

凡遇排體皆有深致可稱此體聖手

西成述懷

家貧苦稱貸，禾稼典秋苗。
通賦憑官長，全生托聖朝。
儒衣裁薜荔，社鼓醉笙簫。
懶作低眉態，冥鴻不可招。

腰鎌爭刈稻，裹被更收棉。
莫問陶公子，聊輸漢稅錢。
仙家辟穀術，濠上養生篇。
檢點真堪用，無煩憂暮年。

池水蛙聲聒簷風鳥毳餘頻年資椽栗大稔未籌車棗任

西隣打頭臨北牖梳自憐無一事空著鹿門書三首絕去
露於獨標

淳淡不在
王儲之下

秋日寄懷馬椒史山人

傳聞逋客寄禪關雙樹庭中間九還夜宿樓臺青嶂裏朝

驅雞犬白雲間千莖短髮人空老百丈懸厓手自攀惆悵

飛鴻書不到西風愁對菊花斑于皇云老成森秀鳧盟云
全首圓滿白雲樓中得意

之

秋社同里人漫賦

疇昔干戈地清秋賽鼓喧虬龍前代樹雞犬聖朝恩壯
句煙

色全經雨河流曲到門

一幅秋社圖

盤餐無別味取次待王孫

半隱云洗去鉛華獨存本色

草閣雲初霽

魏尊日未斜村栽彭澤柳客送邵平瓜駿馬

邀公子明珠鬪麗華相看歌舞散歸路聽啼鴉

于皇云二作兼嘉州

少陵之長

寄題隨佛寺呈澗泉上人

明月西村寺青松古殿幽香臺何處所花徑未追遊玉露

丹楓老金天白雁秋石林精舍在彷彿虎谿頭

遠寺鐘初徹寒宵漏未分鶴歸棲晚樹僧定人秋雲

雋鏡句

轉琉璃影碑存苔蘚文來朝驅馬去聽偈到斜曛

半隱云二作格

調翩翩絕無
近人一字

寄候陽武趙錦帆先生

一卧匡牀倦著鞭
別來白髮總盈顛
閒尋博浪追遊地
老憶青雲侍從年
警 遶屋親栽河畔柳
到門客費杖頭錢
扁舟皂帽渾無事
可註南華第幾篇

簡誕登宗姪
時由給諫除夔州少叅
家嚴命作

雙鯉何由寄一函
揭來塵土暗青衫
鑪頭補袞思山甫
竹裏傳杯憶阮咸
巫峽猿啼風浩浩
巴江水淺石巉巖
漢庭應羨朱雲直
丹詔裁成鳳鳥啣

賦得綠牡丹贈宋牧仲先生
時官黃州別駕

碧落花王占曉風羣芳階下更呼嵩當場翠袖千迴舞傾

國紅粧一洗空香繞髻雲春夢裏影搖池水月明中含蓄綠字

有匣劍幃燈之妙君家宰相名園草不與人間富貴同結更貼切

別駕堂前一樹花金樽潦倒日西斜葢宮苔蘚生春雨海

市琉璃落晚霞何其艷細仙夢初飛洞庭水阿珠新買季倫家

亦切綠字朱門咫尺無緣到獨傍東陵學種瓜于皇云詠花詩如此春容大雅

難最

朱倦鎮

古鎮多蒲葦長河一曲迴黃沙元戰地碧瓦舊荒臺夜火

魚鹽市風帆賈客來悲歌尋往跡不盡鄂王哀

和議堅朝右將軍竟若何支離臣節慘痛哭王恩多注一氣

極其沉痛野廟藏鴟鳥麥田牧駱駝客心寒毳幕感極宋山河

關壯繆祠留題是時荆南用兵

將軍全節在南荆到處祠堂列旆旌感憤徒聞先王詔招

魂誰向呂蒙營曷旒無補三分策後代褒封之侈香火虛傳百代

名回首襄陽諸父老可堪豺虎又縱橫

漢壽城邊野草枯歲時伏臘走村巫雷霆白晝金光閃風

雨中宵鐵馬趨警汗簡凋殘陳壽筆寶刀睥睨魏王都休

言髡客多遺恨千古雲霄護赤符牛隱云關侯心跡只是如此不必過為諛諛

馬椒史旅櫬歸自嵩山哭之

旅櫬歸來石半扃前宵光隕少微星三花已作遊仙夢十

載空傳面壁亭醉後乾坤雙白眼客中衾枕一青萍椒翁風骨

盡此別來無限傷心事都向山陽笛裏聽

哭孟調之孝廉有序

調之先生余兄大次同榜友也屏跡甲申浮踪歲

序馬端臨鄱陽高卧文獻攸存管幼安遼海歸來

蒸嘗弗闕樂漁樵于有寄付禾黍于無聲句法隱約行

屆耆年溘先朝露樓頭燕子麗幽空傳膝下鳳毛

遺書堪授是夕聞巷哭者十里爲君作佛事者千

家况兼風義夙親何意泉臺永隔嗚呼河清難俟

石髓焉求做鳥客之葬田橫歌傳薤露似黃門之
哭中散淚落笛音未陳九辨之文聊作四章之輓
言殊贈誄跡類悲秋

寒宵燈燼訃初聞恨不匡牀一見君常自驅馳尋鬼谷何
期瀟灑謝人羣帶承家事業金滕稿閉戶經書石室文易
簣渾無一字累何須玄草問楊雲

飛箭投椎海上還歸棲謝傅舊東山三朝故事風騷冷一
枕餘生篔簹笠間調之心事俱出戒酒每持僧律細看花時貼髻毛

斑牕前綠竹經行地記得開籠放白鵬

散愁無計賦招魂正是天寒雪擁門一自鵬翔悲賈誼幾

會雞唱舞劉琨蓬蒿徑絕幽人往書畫樓成古蹟存聞說

蘭亭屬大令可堪流涕坐中論

宗伯有金剛經手蹟調之收藏

琴亡子敬已多年况復先生閉九泉愧我徒懷鴻鵠志悲

君幾廢鵲鴿篇

四句一氣感慨深矣

淮南桂樹誰招隱梁苑修篁自

可憐滄海茫茫人獨去棲鳥愁絕隴頭煙

半隱云篇篇警切

已亥余遭家難鞫訊累年聞赦書至上陳擷仙僉憲

逃名谷口卧荒陂猶掛蒼鷹獄吏詞七箸無心徒自信犁

鋤得罪總難知出亡公子思投舍失木窮猿欲傍誰駟馬

于公陰德遠南枝肯使發春遲

怨而不怒

漫言冤氣亘長平黑髮頻年白幾莖自分羊腸終險路誰

從虎口脫殘生千金書劍家空費萬里雲霄謗易成今日

青陽傳信後園林佇聽早鶯聲

半隱云牢騷之氣欲歌欲泣讀之令人髮指

戊午八月余絕意棘園村夜漫賦

錯料一生事蕭騷兩髯華歌吟憐楚調文字耻秦嘉永謝

關門吏慵窺月殿花間居聊慰藉何處撥琵琶

風格雅鍊

慷慨劉蕡策常杼鎖院中驂騑空壯志鷹隼失高風散髮

吟詩史悲歌寄酒筒江郎才盡日登眺意無窮

當代文章伯溧陽與漢陽常懷摧陷力不媿姓名香下里

驚鸚鵡天閑老驕驍清華予望絕時論漫低昂

全首多奇闕語

班固酬賓戲楊雄作解嘲註書航左癖荷鍾走西郊臆透

吳牛月梁空海燕巢洞簫吹徹處幽壑舞潛蛟

草堂風雨夕門掩候蟲秋那國多麟鳳皇家一網收世情

元慘淡佳節付窮愁遠媿龍川子看花正白頭息淵云偏強之氣不

川 滅龍

孫嘯史過訪

野徑無人掃君來爲捲簾樽空桑落酒盤剩水精鹽地早

黃塵起人愁白髮添

添字

與君尋舊約幽事學陶潛

夏日訪劉侗仲話舊

小暑貧中聚清言折芰荷炎蒸日暮減杖履月明過醫病

參苓少傳經子姓多希賢家學富汝莫恨蹉跎

朴茂之極

憶昔雪園會余方竹馬年聯牀燒夜燭倚樹聽鳴蟬塵夢
流光駛丹砂秘訣傳索居三十載今到草堂前

夜宿商丘西郭值雪

野水連天濶蒼茫古宋州閒隨飛鷁到真爲雪花留

貼切
宋事

磬遠聞蕭寺更長數郡樓廢臺瞻闕伯零落半同遊

書院今何在衝泥欠一過儒門誰立雪高論幾懸河勝國

鄒枚少興朝願牧多側聞徐孺子春草漫吟窩

邈黃時
主院事

懶過侯生里愁經沈相墳多年玄草暗三事壯猷聞密霰

城頭雪黃昏郭外雲征塵方滾滾何暇訪遺文

舊隱張匏客窮愁賈靜翁暮年曾問字浪迹愧飄蓬笛裏

山陽淚城南桂樹叢懸知鑿坏後新韻滿詩筒四章均勻無一懈筆
海爲五言長城

寧陵阻雪

小邑金湯固衝寒問酒犧
颯風兼舞雪晚向驛亭過
司寇祠堂冷召公黃門諫草多王公殷勤問前路幾處得陽和

歸途值雪宿睢州東郭

偃蹇謀生拙晨裝事遠遊
臥袁慙閉戶訪戴欲剋舟
爐冷黃公舍泥霑季子裘
華燈元夜後運到古葵丘

舊日睢陽郡城池百戰餘
青雲仍第宅白骨半丘墟
警昔讀中丞傳嘗聞歎血書
高歌擊如意憑弔獨躊躇

乙卯除日傳聞冊立青宮

風塵傾動古荊州，守歲壺觴但百憂。
四塞祇今勞虎旅，九香何處起龍樓。
因事腰間寶劍依雷煥，架上新書笑郭侯。
聞道聖朝多羽翼，不才安穩是林丘。

元日卽事

晨起焚香誦蓼莪，寢闈紅燭影婆娑。
兒時黃橘筵前舞，老去辛盤病裏過。
多少俯仰猿叫三聲揮淚斷，龍吟幾處落梅多。
勞勞書劍成何事，腸斷當年月夜梭。
結語撫躬欲涕

人日卜葬先慈卽事漫書

擾擾軍書塞上烽，平輿何處問來龍。
居廬不種迎春草，近

寺時聞出定鐘風裊篆煙香細細雪銷晴日暖溶溶遙瞻
馬鬣封前樹此後晨昏隔幾重覺淚俱下

雨水日試筆

傷心又見筆花開慚愧文通作賦才黑髮漸疏慵覽鏡黃
金無主罷登臺壯句佳辰客送千頭橘小閣香飛一樹梅况
是青陽傳信後霏霏微雨潤蒼苔

雪中閱楚日報率簡同志

東風昨夜斂餘寒萱草北堂灑淚看有約觀燈勞策馬何
期飛雪祇憑欄千秋詞調難追郢雙鬢容顏已似潘荆楚
諸軍思挾纊聖人深在五雲端結語不忘海內利病

雪中閱湖南捷報

手詔馳滇海捷書奏朔雲雪中擒元濟還是李將軍典切

元夜

去年元夜梅含凍今歲仍操雪裏觴滿地冰花迷野色誰

家豔曲舞霓裳金蓮正想三宮宴鐵騎還飛萬里霜滿腹朝廷

菴背三山如可到欲從燈火同行藏此公云結意超超

元夜簡嘯史

茅茨聞剪構書齋爨下曾無十日柴做褐窮冬仍雪霰華

燈元夜又風霾蕭騷濁世元龍卧草芥同遊曼倩諧厚祿

故人書信斷羊裘不到洛陽街清言楚楚

齋居卽事

梅萼齋頭雪假山朝禽飛去暮飛還
渾隨曉夢莊生蝶憶著春衣
菜子斑江上艫艫連楚塞
天涯烽火照秦關
漢家飛將多熊虎
刁斗營中夜夜聞

傷心蒿日
無非時政

苦雨

滿天雲霧暗柴扃
春到曾無十日晴
泥濘總當花落處
溪流偏送枕邊聲
摧殘土塊宜操耒
傾倒河源未洗兵

沈鍊
之句

從軍行送南征諸將士

蘆管正須吹金鞭
莫遣遲駝裝驅瘴
癘龍劍倚雄雌地勢

荆襄險天威草木疑警切王師元不戰時雨落南陲

投筆事甘寧彎弓逐衛青江流舟暗渡峽路馬愁經精雁

去鄉音杳鴉啼戰血腥警句當時羊叔子碑在峴山亭半隱

首力厚氣堅的的老杜

秦警書事

固原王輔宸之變上命太保圖公撫之旋平

閩楚猶傳箭崆峒忽舉烽流言托俎越廟筭在封雍蜀道

五千險秦關百二重多方宵旰裏深負聖恩濃

分陝勞公旦安邦借寇恂星高瞻太白凱奏及陽春跋扈

收飛將安危仗老臣遊談惜陸賈空榜屬車塵語語得體亦是江郎

非高岑

可及

客有自夷陵來者言荆南事頗悉書贈

憔悴頻年戌言歸自峽州裝殘存藥裹金盡剩吳鉤僕射
恩還重蚩尤戰未休疆場思報國詎忍學羊求

擁旄垂四載畧地及三苗幕下龍韶秘軍中虎旅驕獨憐

馬矍鑠誰是霍嫖姚斧鉞親王寄銘勲到日標

甚壯

壁壘湘江上微輸漢水湄深謀無陸遜仗節有辛毘蹂躪
三千隊烽煙十二時佳兵休過慎佇聽凱旋期

微帶諷諫

祖席纔傾蓋歸期正及瓜酬恩看玉劍抱病去長沙茅竹

江邊合漁樵夢裏家樓中有思婦爲洗舊鉛華

四作精鍊深婉老氣

橫秋可空從
來從軍諸什

王師將下豫章道經中州書事

旌旗遠下古洪都
鄱水今成飲馬湖
塞上妖氛騰戰壘
天邊殘月隱雕弧
笳吹庾嶺梅花落
路遶豐城劍氣孤
舊是三吳形勝地
王師未肯罷征誅

天王按劍幾經秋
不見門梟叛將頭
露布雄文誰下馬
鏡歌夜宴自椎牛
蠡湖雁避將軍箭
海國龍迎都護舟
漢將登壇銅柱在
看君談笑取封侯

綠房云二首壯甚似從老杜諸將脫來工力悉敵

閱荆南日報有感

黠矣荆南寇王師
百戰勞吹笳江水動
拂劍曉星高露布
誰堪作邊書
自懶操釋吳非上策
頗怪晉山濤

傳聞王師破賊盡收湖南諸郡志喜

草堂愁寂夜初分聞說湖南靖寇氛
鐵壁總殘銅馬陣樓船新破水犀軍
衝湘闢地全無稅韓段銘碑自有文
語語傳慨

似有借

著深意明日午門宣露布懸知歡起鷺鴛羣

頻年調發遣金牌今日窮征到海涯
避世一身陶靖節匡時百戰李臨淮
秋風大澤歸牛馬落日深山閉虎豺
檢點村壑須穩睡塵囂肯許到書齋
關心王事故爾云云

九日雨中東園小集

驟雨樽前對濁醪園開三徑俯蓬蒿
花殘白露隣砧急簾捲青山牧笛高
籬落幾家空竹樹煙雲萬壑自波濤
相將

不比金錢會欲插茱萸首重搔

半隱云豈不經意猶當他人上駟

贈孟山人

煙霞三徑號閒人谷口耕田學子真夜雨荒村惟鹿跡秋

天古木半龍鱗

厚

平居白屋臨寒水幾處青山逐老身

幽

五畝還疲征歛急斜陽門外有飛輪

半隱云氣味深

厚居然名作

寄壽餉部陳玉符先生

明之王孫

學道寧資藥駐顏蒼松古栢迥難攀幼陳中壘激昂疏老

賦淮南大小山

切王孫

孔雀屏開年七紀梅花癖在屋三間

據鞍矍鑠身應健修竹梁園冀往還

立秋日喜逢杜肖衡長年即送歸野

別後秋風七葉飄相逢白髮轉蕭蕭
霜飛燕市書初上花滿梁園淚未銷
尺素總憑南去雁孤舟時擁北來潮
閒思竹馬當年事腸斷春江萬里橋

蜀道蠶叢百尺懸君垂白髮賦歸田
秬綠松菊荒陶徑無乃勲名讓祖鞭
鬼哭千村殘戰壘鶯啼三戶起炊煙
故園生計饒甘芋不作征裘老歲年

悲涼慷慨

邑侯徐定山季試當場漫賦

廣文周君少府劉君在坐

銅章初投四郊聽來暮之吟壁水繞臨多士識從
公之樂霈甘霖于隔歲膺上考于大寮乃卧席未
溫輒思課士而訟庭無事便欲論文恭遇定山師

臺定水名家仙霞道骨居隣趙抃依稀琴鶴以相
隨系本偃王祖述寬仁而爲政典飽五經于腹笥
窮二酉之藏書氣吞乎兩浙煙雲目藐乎中原樓
閣謂陶潛松菊不憚折腰而謝眺青山何妨作吏
敝邑何幸慈母來臨旣督農桑旋崇禮教念前朝
文獻或仍留斗大荒區而奮族風流庶幾見烏衣
子弟中郎裁賦健筆如存中允殉君貞魂宛在遡
遊談于廣野揖苦節于萊蕪景仰先賢提携後裔
爰擇吉日用集儒生舉曠典于崇朝振文風于此
地汝南師表欣佐盤餐遼海俊英趨陪色笑誨諸

生于館下殊多進學名言挾了義于書中不襲衡

文故套海錯與山珍畢獻牛溲並馬勃齊收問字

楊雄翻代吾徒而載酒尋師鹿洞吏爲門客以齋

糧軌物堪遵章程快覩伏念光文同畫虎字類塗

鴉年踰四旬名慳一第馳驅經史寧存弘正遺風

出入風騷那解韓翁變調似披裘于夏日類鼓瑟

于齊門但以盛事難逢芳規不再尋常條例力行

之卽爲實政實心樸樸散材嘉惠焉便成選士造

士名言因忘懷于身鄙遂勉叙其初終率賦四章

恭呈一覽駢語煞

有風骨

仙臯光映泮池明絳帳風流步履輕東海偉長新著績南

州孺子早知名築臺遠媿黃金價作賦深慚白雪聲冷落

雞壇三十載玳筵今日引諸生

語工而亮固是盛唐

循良幸識關門吏道德兼窺老子書

起緣前首

几上瑤琴清嘯

後窗前綠草醉吟餘雄篇漫自誇星斗蠹簡何人辨魯魚

一曲高歌知有誤廣文筵上重躊躇

深秀不讓前作

春回潘縣百花鮮少府青春美少年畫字暫時書卷尾著

書終日斷章編忝軍玄德依劉表別駕王祥遇呂虔

比擬精切

共履儒宮勩盛事百壺兼送酒如泉

劉君亦供酒饌

蕭蕭文獻古東樓振領儒風賴此遊榜散頻年羞見獵荒

蕪三策懶低頭王錢制舉推前輩熊馬詞章據上流共道
然犀能燭隱醜形怕向卷中求

四作雅調新聲
足令觀者聳敬

爛柯樵人歌壽徐明府

三衢之山越西鄙分道飛流見瀑水城南更有爛柯峯松
下奕棋兩童子昔年有客入山樵觀棋盤辟坐山腰凝睛
注視頃刻間柯爛斧脫身飄飄歸來歲序過百春里門不
識舊樵人採藥恰逢劉與阮避世焉知漢與秦定山先生
真間出會吞仙棗同玉質謁來縮綬杞州城子晉風流江
淹筆昨日行春歷廣陌甘棠便是召公宅清操壁上有懸
魚瑞色田中看秀麥政體保障異蘭絲下着能先一局碁

手持崑崗白玉斧，徧斫珊瑚作樹枝。雍丘文獻慚衰落，憐

才為敵留賓閣，講幄纔飛葉。縣鳧玳筵復，觀遼東鶴二句聯絡

有情青山當社樂，無窮自放白鷗出。綺籠龍丘老人座上客

手持玉笋醉春風，薄材深荷吹噓力。萬丈丹梯許攀陟，感

君一曲春陵行，從此中原歸壽域。雖曰應酬詞，皆雋爽迥異時流。

清明展祭先慈墓

拱木逢寒食，孤墳四載春。平時衣線意，獨愛遠遊人。博然

字荻柴訓慈顏，玉鏡真酸風。吹墓草，感激薦青蘋。

割肉遺陸續，翻書指范滂。確切新墳三尺土，往事幾迴腸。黑

月羣狐走黃昏，饑鳥翔兒童。虔墓祭掃地，奠壺觴。

長夜扃泉戶凌晨誦蓼莪百年春夢短雙淚早鶯多自罷
斑斕舞誰操琴瑟歌墳頭生紫筍莫遣沒蓬科

雪中送馬子遠表兄葬悵然有懷

謝傅山丘閔羊曇感慨多交情惟剩此往事悵如何月旦
閻棺允賓朋執紼過衝泥澆絮酒躡躡送靈輶翠髮經長
路銘旌拂曙河殊方素車到薤露島人歌墓雪侵黃土春
風長綠莎誓天空有淚悔過諒無他

接過

憶託荀陳里長松

覆女蘿饑荒多指同婚嫁幾籠鴛濁酒筵前醉清風柳下
和趨庭皆栗栗扶杖總皤皤盛德鹿門叟高吟邵子窩兩
家元共竈三至爲投梭

接過

直道思遷史丹心憶伏波幽冥

負周顛譴責矢靡頗徒仗酬恩劍難回駐日戈到來驅日

馬歸去策青驪拜墓同徐穉投詩贈汨羅交期泉路在容

髻近蹉跎牛隱云故交零落最是傷悲况有傷心處篇中迴環悽斷章法井然

經鐵里有懷椒史

長河猶自遶村流烏雀人情又一秋記得生芻爲弔客布

衾疏冷蓋黔婁

園成灌莽舊蘧廬幾日寒原會素車尙有深交三兩輩重

來窗下檢殘書鳧盟云椒史爲平生執友故自憑弔多情

菱谿詩集卷二

菱谿詩集卷之三

廣平申涵光鳧盟先生

雍丘何燹光叔獻著

鐵里馬之驪椒史先生

同社孟弘秩嗣宗校

大司農玉立梁公奉使恩諭平藩歸自粵東詩以送

之

柔遠金函重朝天玉節來風雲通百粵元老陟三台對酒
山河誓鳴鐘劍鳥陪主恩方賜瓚軍令已銜枚顧盼羊城
小登臨象郡開珠崖獨恬淡魏闕正徘徊河漢張騫往棊
書陸賈迴千山紅荔遠萬騎綠楊催長樂鐘將近龍池詔
裁行儲太蒼粟佇理水衡財杼軸東人淚波濤梁苑災

繪圖青瑣闥焚稿玉堂煨烜赫蒼生謝悠揚綠野裴到來
曾具忝歸去且調梅伊昔青雲志而今白髮哀相看卧隴
畝誰遣奮風雷戀范寒如舊依劉幸不猜吹噓添鳥翼拂
拭比龍媒恩重千鈞挽心殘一寸灰槐庭猶聽履柳巷暫
停杯祖席傾冠蓋驪歌起路埃懸知華省月夢到粵王臺
鳧盟云題既正大詩之典麗宏博皆冠裳珮玉之言後幅
稍帶流逸畧無板重之病酷似少陵上韋相哥舒諸篇

上少宗伯健庵徐公

舊典榮春署新恩副禮闈

起穩

班揚詞並駕濂洛道同歸中

論傳江表鴻名滿帝畿翻書窮秘府侍宴近彤幃奪錦隋

三杜傳經漢兩韋

典切的是崑山家世

金門宵漏徹玉樹晚庭輝上

客同揮筆清言盡，抉微秩崇猶黑髮。人望在黃扉，結網多

麟鳳。憐才到蕨薇。渡願慚衰景逼，時切太陽依。杞國天疑

墜，梁園筍不肥。典驥深伏櫪，嘆鶯羨上林。飛有地堪彈，鈇

何人更采菲。廿年盼星斗，千里望音徽。道大空懸的，才微

耻發機。願言三吐哺，曾念一漁磯。結句老椒史云：通篇

工緩中兼流逸足令宗

關壯繆祠留題兼訊劉心周侍御。祠為侍御被謫後

漢壽新祠野水灣，雕甍畫棟出雲間。神威亘古高懸鏡，遷

客何年果賜環。建祠之意頭卸鐵冠依福地，夢隨青瑣點

朝班。須知廢棄天恩在，諫草風霜莫漫刪。

傳書塞雁幾經過
謫宦頻年意若何
餐雪已明臣志節
歸日終沐主恩波
黃榆風急吹蘆管
白草山深牧駱駝
羸得東陵瓜熟日
彈絲擊缶任高歌

繡衣當日行諸郡
白髮而今卧一庵
已分孤忠成貝錦
寧思捷徑托終南
禪門客過晨鐘響
佛閣煙銷霽景含
拱手

伽藍深呵護
前身元是老瞿曇

鳥盟云三作淋漓慨嘆曲寫遷客情況侍御讀之能無泣下

寄候大司農王立梁公

星輶昨歲到荒廬
樽酒情真禮法疎
別緒可留梁苑草
歸裝空帶尉佗書
十年條例黃金盡
五夜封章白髮餘
洪洞華容今再見
北風臨眺重躊躇

鳥盟云篇中無一字泛涉但叙交情絕無依附等語

贈耿綠房社長

舊爲興寧縣令

懶從勾漏覓丹砂，卻向東籬醉菊花。

起得傲岸

招隱山中歌桂

樹送人江上，聽琵琶。謝公著屐千峰，到江總抽簪，兩鬢華

樂府詩成，思問字白蓮社裏幾人家。

椒史云典麗秀爽可忝王岑之座

孫曉壑五十生子書贈

紅顏憔悴玉川翁，生長佳兒便不同。綠草提戈迎曉日，斑
衣學舞亂春風。漁樵落落晨炊裏，鷄犬蕭蕭晚樹中。寄語
經書須早授，肯教江夏擅黃童。

花燭詞戲贈同志

梅花忽報早春歸，別院瓊樓入翠微。見說填河牛女渡滿

天鷓鴣不停飛

簾捲春朝繡戶開
太真新接合歡杯
香奩檢點無長物
笑指當年玉鏡臺

蛾眉嬾畫眼橫波
京兆張郎意若何
不是曉眠人倦起
鴛鴦瓦上夜霜多

烏盟云三作深婉
和厚風人之遺

張茂仲廣文會試落第

河梁雨霽片帆飛
此日寧親季子歸
行路定餐漂母飯
到門重著老萊衣
蟬鳴驛道鐘聲隱
馬渡滹沱雁影稀
息國諸生遲聽講
松齋久憶謝玄暉

寄訊南鎮左叅佐

代作

珠崖銅柱幾時過此地曾經馬伏波老去彎弓悲齒髮秋
來環甲渡關河天南客醉葡萄暖海上囊充薏苡多典切莫
道封侯抵掌事誤人春色在橫戈

雪中訪林昌錄叔姪

昌錄是月生子

暮雪叩雙扉逢君正息機
遮籬白羽落穿牖碎瓊飛
詩裏梅花瘦樽前鼓瑟希
幽棲真二阮言笑欲忘歸

昨歲荆釵聘傳聞婦道諳
調羹堪奉母佩草更宜男
跡類柴桑隱人於德耀參
關雖今有應端不是空談

雪夜歸莊簡孫嘯史

蕭蕭驢背苦寒侵雪擁衡門
一尺深半壁疎燈隣舍火
閒

房臘酒故人心愁將寶劍藏秋水懶任青氈付綠林時有盜警

側想袁安高卧處梅花須寄隴頭吟鳧盟云幽秀處酷似大厝詩人

大風作

陰風連日吼荒郊盡捲三重屋上茅荆楚愁氛門早閉乾坤噫氣夜初交永堅浦溆魚收網枝亞園林鳥墮巢工自綴笑吳牛嗔見月木棉衣厚莫相嘲

鞦韆架下聞警

窈窕瓊樓降謫仙曉粧纔罷試鞦韆石榴裙漾春風起新月眉從樹杪懸塵滿紫駝朝出塞煙銷青塚夜鳴絃紅顏珍重千戈際莫遺沙塲捆載還板史云後半四句一氣丁寧受惜

贈長社珊妓

代作

環珮天風舊有名飛來筵上淚盈盈
歌殘柳絮三春晚舞罷霓裳一羽輕
羅襪遙憐洛水步蛾眉新出漢宮城
憑君莫問青衫客腸斷琵琶昨夜情

詠燕

燕子飛來故壘新雙飛猶舞畫梁塵
泥銜古井穿花慣影度疎簾戲水頻
玄鳥悲涼殷社土烏衣冷落晉時人
綺樓繡閣他生事寂寞文園獨病身

雖云詠物
中寓深感

杞署贈毛繼莘長年

何意鳴琴署逍遙遇此翁醫方秦越叟

毛生善醫

詩序大毛公

一葉驚秋早孤燈照影同美君雄步履元不假雙童

聞有長裾客來看仙令花解裝棲縣署着屐到僧家松竹

閉房晚莓苔曲徑斜他時倘枉顧村有邵平瓜椒史云清
空如話

杞署逢徐嘉祉即送北上

梁苑中秋月南州高士來起縣齋同解榻綺席共銜杯白

雪多新詠黃金有舊臺少年飛動意心折挾天才

耿具茨落第歸莊集唐以贈

三獻無功玉有瑕許不將心賞負雲霞錢浮生已悟莊周

夢張且盡芳樽戀物華杜

布衣空惹洛陽塵薛依舊楊朱拭淚巾韋獨倚欄干意難

寫崔塗家無四壁不知貧吳之象

汴水東流無限春李益曲江池畔避車塵羅隱日高睡足猶慵

起白居易白眼看他世上人王維

觀音寺訪張幼涵書贈

招提訪故人白日蔽風塵起句自然精舍爐香滿戎裝馬汗新

僦居方信宿投刺苦遠巡暗澹愁容老鬚眉記未真

蓬蒿張仲蔚今作遠遊人起亦超卓腹笥三冬史征衣幾斗塵

家虛洹水月路過菊花辰莫嘆無知己青蓮早現身鳧盟云奇

想二作警秀不讓高岑

送張幼涵北上兼訊獨憲誕登宗兄

燕市長歌曲未終又騎羸馬到天中蓬蒿仲蔚棲遲久詞

賦中郎感慨同

幼涵兄與余兄同與國難

楊葉霜飛官渡白蓼花雨褪

寺門紅行行寄與吾兄道蜀國新聲老最工

辛酉襍詩

時過小祥感舊傷懷率成諸詠

歲當辛酉廬居日冷落杯棬誦蓼莪寸草徒承青帝澤春

暉寧駐魯陽戈佳辰艾薦蒸嘗始枯木荆花涕淚多

刺骨之語

漫掃飛塵尋履跡方袍昨夜夢中過

風裊遊絲百尺懸強支雞骨向春天衰衣御事征徭緊粥

食留賓故舊憐

語語真摯悚心動魄

戲舞編爛思往日愁窺青鏡感

流年桑盛未敢荒農業勤課兒童種黍田

家常言語安頓自然

墻外空巢返哺鳥登高一望眼模糊
惟因肺病尋參朮忍向花時聽鷓鴣
地墾石田三飯少天垂匹練一星孤
時有星變捫髮無限傷心事甘旨泉臺未可呼

桐花月晦小祥餘纔檢飛塵架上書
枕內丹黃存孟子壁間銘記列橫渠
芙蓉曲沼看魚沫桃竹閑園駕鹿車
晚註

黃庭經一卷垂簾永日對空虛

章法一氣

雪苑盟壇盛昔聞侯方徐作吳伯開冠三軍嚴庭並授

梁王簡帖括猶傳白社文柱史遺書玄牝洩濠梁秋水介
鱗分饑寒八十惟航此坐詠行歌髣髴聞

鳧盟云前四句一意後四句又

一意章法井然

青檀博浪不辭寒尚想嚴君敷教寬長樂鐘移空涕淚永

嘉塵起蔽衣冠歸來陋巷收藏史老向沙頭把釣竿晉代

風流渾在眼晨昏猶記說長安椒史云與前二作俱以章法壇場

長策昔歸五柳村久辭榮祿閉柴門談玄每解高僧偈賜

帛曾霑聖主恩槁首窮經多歲月看花擁蓋度朝昏無方

愧乏曾參養淚下中宵嶽頂猿

清明裡祀踏紅泥七世荒墳祖兆迷僂僂常懷三命謹晨

昏今作萬行啼親嘗野菜綠谿長手種垂楊匝徑低蝶舞

花飛增百感昨年春酒杖頭携觸目傷心讀之淚下

幾載青簑立釣磯由來安敢議輕肥銅山價重無今古鐵

板書成有是非燈火思終匡鼎業春秋閒註董生闡家聲
自愧稱無忝華表亭亭丁令威

雙鳧仙令舊稱賢一曲春陵淚湧泉不信巴川終兔窟喜

聞滇檄靖狼煙驚空絲繭輸春稅地後房廊納價錢苦吟之句

推移遙想青雲中憲府肯書十漸御屏前魏衷極先生時任總憲中聯

刺骨語沉痛動人結亦屬望得體

信陵門下幾憐才漫賀參元懼火災華屋總歸王氏燕青

雲誰寄隴頭梅含沙射影終難料猛虎蒼鷹總見猜寧淡

先人甘沒齒小園高起讀書臺

班超投筆擬封侯歛段今成馬少遊其道芭蕉能得鹿誰

從巨壑覓藏舟光生裸袒妨名教顏腐饑寒最巧謀苦塊

餘生君莫問年年種黍滿西疇

打照首篇末句。諸篇哀慟激切皆椎心泣血之言

而篇法句法不差參添

首春同張令宗表兄夜坐

葭管頻吹解凍風桃符驅鬼竟何功閒來促席三更語共

想趨庭八十翁榮落乾坤花勝裏饑寒情緒酒杯中通經

好課諸年少莫怪銅山鼓鑄工

語語直率有布帛菽粟之風

題張發淵表兄屋壁

白首螢牕老一經女墻如帶草痕青田惟下下難供黍戶

本蕭蕭幸有丁五柳新栽元亮宅幾人曾到子雲亭殘春

桃李巾山酒潦倒東風醉復醒皇盟云中間用經語處不腐不生是真新警名流所

夏杪安家溜寄宿

在鹿邑境

地近真源晚泊舟市中籬犬水中洲蒼茫雨脚朱輪掩清

冽泉香白乳流新警竹木陶公堆兩岸麥糧道濟剩千丘金

錢費盡催行旅明日西風又早秋結句方出夏杪

九月一日早發準提菴留贈菴主

荒郊雨過草痕腥匹馬踟躕此驛亭月令今朝豺祭獸禪

房昨夜虎聽經精琢却極自然霜飛茅屋千村白雁度斜陽幾字

青僕僕風塵終歲事旃檀何日寄衰齡全篇精警亦白趨脫絕倫

軍城秋夜

高秋何處搗寒衣
明月巖城盡捲扉
獵犬一群當道立
水螢千點傍人飛
貌貅竈冷金筋怨
苜蓿秋殘鐵馬饑
遙想孤村煙火渡
風塵幾日客帆歸

沉鬱處有工部遺法

喜逢梁以道隱君

蓬蒿隔世念離居
仁見翻疑是夢餘
六紀人多惟爾健
五噫歌好復誰如

信口而出隱貼可味

詞華獲落憐平叔
丘壑生成想

幼輿別後柯亭知
已在八行休
斷往來書

篇法深婉令人阻味無窮

端陽酬以道元韻

蕭蕭驢背走斜陽
霜染髭鬚面色黃
客到柯亭同解榻
裝

除詩卷一空囊楚沉屈子魂猶在晉得陶潛臘未亡二語

切確又復深遠可思

蒲柳風前堪取醉詞源莫惜倒瞿唐後一聯可

空前後作

孟元禮新築草堂賦寄

聞君小築卜南村髣髴龐公隱鹿門不向郡城陪冠蓋却

從籬落喚雞豚仙翁一去留丹訣田父頻來醉瓦盆安得

春光常滿目紙牕茶竈共朝昏語雖平淡

意極深沉

將至陳州懷宋玉虎寄此

雙鯉頻年絕高蹤詎可攀未應詩興減幾許鬢毛斑句法

流動

道大隣封仰書成過客刪學問逡巡驅匹馬來訪舊柴關

勝地淮陽郡名家宋玉才家藏先諫草風賦舊蘭臺

虎身切玉

禁火干村冷尋芳幾樹開今宵妓樓月拚醉杏花杯

相訪容顏近相思夢寐長曾聞中酒病新得養生方

清空可抱

老態風塵苦浮生歲月忙蒼蒼雲霧裏已近草玄堂

三詩深秀

絕倫

贈錢一公

一公善琴

屈指君年過七旬據鞍仍訝伏波身蕭騷白髮稀同調疎

越朱絃待解人

警切

樽酒久虛良夜飲鶯花還似舊時春嗟

余夢斷瓊樓約牕外梅花弄影頻

結有所感

題陳州蘇氏園亭

宛丘城北郭蘇氏有名園臺榭凌霜月煙霞出洞門藏書

多秘府愛客具芳樽車馬誼闡處誰能此贈言帶

辟疆無舊業金谷只荒臺層構雲中起華軒水上開小山

數叢桂大雪一株梅王謝堂前燕今飛此地來結句悠然

芳園嘗宴會花木蔽簷楹笛奏羌人引歌傳羯鼓聲編籬

茅屋近流水小橋平看竹何勞問踟躕盡日情半隱云三詩抒寫大

段不肩逐處詳紀殊有悠然之趣俱在言外

喜遇膠州紀孝廉時至雍丘謂其座主

鴻篇傳已歲靚面在雍丘才調宜華省風塵尚傲裘饑鳥

啼落日候雁識窮秋王粲思家夢宵燈古驛樓結句蒼勁

世業推司馬君能讀父書詩成七步內筆妙八分餘白髮
憐同調青雲媿後車梁園風雅地幾處掃庭餘

南郡先生帳伊川夫子門寒暄千里外風雪幾人存流負

笈山河遠登堂道德尊夕陽官舍靜傾蓋待王孫此作述其座王

相待之情

武林洪台客訪舊過杞寓觀音寺邂逅書贈

鷲嶺多名輩看君興獨豪共傳梁苑草真續楚離騷二句加一

句一騎常彈鋏三山舊釣鰲丹楓秋氣冷誰與贈綈袍

最愛臨邛宰相如上客多深交當贈縞高論幾懸河寒暑

從君辨用徐陵事無痕龍蛇正字訛中原文獻廢憑仗挽頽波

涼風吹木杪越客動長吟起得燈火還家夢旃檀出世心趙逸

霜晨同汎菊旅館獨鳴琴回首錢塘道蒼茫煙霧深三詩雅練

杞署題周生畫卷

斗室蕭蕭在縣衙憐君雙鬢未全華卷中耽玩南宮石圖
裏頻看庾嶺花八月波濤騰筆底十年書劍老天涯莫嫌
案牘妨幽事每共題詩到晚鴉

秋原校獵王明府社題

野曠林疎煙氣歛驚風一夜捲秋葉獨立郊原四望賒紅
塵忽起蔽雙睫呼聲震地紛如雷云是王侯校獵來縱馬
纔過蔡邕里鳴鞭又上呂祿臺餓鷹俊鶻皆脫手狡兔三

窟莫須走須臾毛血灑平蕪跳蕩况有韓盧口鹿豕爭窟
野狐啼王侯拔劍欲剽犀利矢拈來時一發雙雕已逐片
雲低霜朝獲禽真滿橐倒掛銀鞍與繡絡驂嘶向晚風
前散隊徐行致足樂復有王孫縱遊冶玉靶角弓珠勒馬
停鞭借問獲幾多烹鮮醺酒長松下吁嗟乎從禽之樂樂
何如武功元纘自郊墟曹公壯志終難遂洛下雄心迥未
除君不見漢家天子耽射獵旌旗十萬長楊接當年侍從
有楊雲鴻篇千古傳書帖安危元軫九重慮銷兵腐議殊
喋喋我皇昨日駕北巡耀武關門萬馬屯蒲萄已納降王
欵杖杜重頌國士恩回鑾歌凱自金微將卒還家盡錦衣

體 聖主弘開一面網寧逐白狼白鹿歸半隱云弘章大篇磊落不群結語更得頌

贈四明周岷公明府兼壽

同耿侯二君賦

舊擢名山秀今登太室峯青雲官早達黃菊與偏濃世仰冲天鶴身耽卧壑松殊方開壽域沆瀣滿千鍾

匹馬遊梁客依稀賀季真書窮禹穴秘詩似晉時人樽酒無常玉江湖有外臣警切昨宵筵上曲顧盼見風神更切

訪舊雍丘令高歌踞縣衙談詩逢耿滯問字得侯芭瑞藹迎春草香浮入夢花漫須說勾漏隨地鍊丹砂

已老公羊癖遠遶一病翁煩君握霜斧爲我開蠶叢流風動

雅源寧異江淮派不同黃公鑪上酒歸騎莫匆匆

又呈岷公仍用元韻

折腰辭五斗着屐踏千峯為問金章歷何如春酒濃歌傳

小山桂吟倚大夫松閱盡天涯勝棊心幾似鍾

篇法流動

淹雅推劉向山農笑子真詩奇驚破膽步窄耻隨人君自

為盟主吾當作僕臣夜郎冠帶小詎望漢威神

坐卧居亭墅蕭騷似放衙風搖千樹竹雪覆一叢芭匣裡

馮驩劍床頭和靖花尊生在鞍馬不用訪丹砂

高韻香山老雄篇陸放翁途窮懷竹簡行處訪花叢勝國

山河改中郎涕淚同

岷公乃叔與余兄同罹國難

哀歌思往事行矣幾

匆匆

入作流麗盡致
固是盛唐雅調

輓邑侯王慎齋先生

有序

已已長至後二日猶在龍蛇歲也天弗佑杞喪我
賢令相傳慎齋先生是夕指館舍既操炙雞斗
酒以誅之因念平生論詩頗有針芥之合故仍哭
以詩俛何情深篇什遂費庶幾仙界聞之知慕爾
吟壇有此死友云

雪擁柴門午未開散衙人自雪中來
祗緣卧病時消渴誰料吹笙竟懶廻
入手便異綵筆淒涼潘岳賦黃金零落郭公臺
無端更聽山陽笛落盡梅花無限哀

錢江家世舊清門逸少風流幾葉孫貼退食惟栽彭澤柳

行春屢到邵平園畫堂樽酒先生饌籬落雞豚長吏恩沉

芷湘蘭梁地少獨憑騷些為招魂杜滋中殊有風味

孤城斗大古雍丘憑借神君三載留漢史漫誇循吏傳御

書新賜紫雲裘龍蛇歲杪天難問鳥雀人稀客自投食少

思多憂國病武侯勲業在中州北疑非謬

銅柱氛埃昨歲霏曾勤飛輓佐天威湘南士馬歌騰飽湖

曲流離免游饑去國碑存劉運使益惜人憶謝玄暉寄言

盟府書功日莫忘軍行賦采薇此作叙前在湖南政績

頻年箕歛室如懸一曲春陵淚湧泉三宥槐亭空狂獄四

郊粉社息烽煙長沙賦就人何處
遼海歸來歲幾千精落
日驅車縣衙過冰壺恍映舊山川

探書禹穴早知名五嶽煙霞杖底生
饒有緋袍憐范叔久

將經學付玄成廡閒宛國青驄馬
曲罷秦樓白玉箏瑣瑣

雲臺都不繫嫵爛獨切九原情
歷叙平生婉麗秀爽更有軒軀允稱絕調

梧桐葉落縣齋虛彭戴均露珠唾
餘杯冷江河一夕話篋

存龍蠖數行書羅池祠建陪瞻仰
岷首碑存脩掃除鷺嶺

竺峰渾在眼雲霄何處訪仙居
結構精嚴無一懈筆

樽前曾奏伯牙琴流水高山遇賞音
問字戟郎嫌分淺納

交廷尉覺情深婆娑槐樹春前老
嗚咽寒泉澗底吟牛耳

雞壇三十載不應光彩遽銷沉

意境樓槍

遙遙旅觀赴江干積雪層冰道路難素帳定教神鬼護孤

墳先有野猿看巨卿白馬思同往孺子生芻淚未乾悵望

六橋千里隔諸郎雞骨慟摧殘

磊落沉着片語不苟

西州門外聞歌管不耐羊曇醉後聞起得獨撫床琴音調

絕深悲華屋死生分衣冠杞國瞻遺像丘隴錢塘哭暮雲

句法

老到惟有延陵一長劍他年留掛合君墳

于皇云諸作那脫悽酸情文交

至離騷九辨之遺

元夜送周杞公歸浙

梁園昨歲鼇峰結四明狂客停車轍風騷王宰蕭故人崑

爾吟壇爭負綫高談雄辨驚四筵醉中往往飛白雪論詩
盡洗三唐髓衡文直刺六朝血宋人名理號雅宗皮毛淪
沒真仙訣幸賴丹鉛作五丁禦兒創論真勦說仗王盟壇
一歲餘斯文大義全昭揭我本南村木強人與君邂逅相
傾折伯也昔從大阮遊早識仲容稱竒傑何期訪舊到中
原幾回詞戰瀾翻舌歐公耻爲人幕賓每出縣衙賞佳節
鷄裘典盡欠酒錢悲歌每擊唾壺缺跌脚王郎上玉京獨
携寶劍遺江浙月落吳山聽子規花開兔苑聞鷓鴣匹馬
蕭蕭向里門黃壚酒渴牙絃絕送君流涕憶王郎風塵慘
淡難爲別重來應有聞笛詩揮毫細寫羊公碣

贈送長篇
叙得媿媿

交情旅况宛然筆端未幅
更如悽風驟雨悲愴動人

大隄晚霽

長亭當晚憇衣袖盡霑泥雨洗千村淨煙籠萬樹低半池
出蝌蚪斜日散虹蜺吹醒煩囂夢秋風十里隄

春日送范翁歸白下

時有海寇之警

此日孤村酒鶯花送客還風摧吳苑樹塵暗敬亭山驛路
驚殘壘家書慰老顏煙霞三徑在歸逐白鷗閒

江右劉翁過訪贈別

劉精青鳥之術

鳩杖謫仙形羊裘處士星

起自

天涯尋地主雪裏叩柴扃

金盡梁王苑囊餘郭璞經扁舟乘興客歸去斷松苔

西村小集

白髮西村叟邀歡南陌頭
中厨菰米飯野服鹿皮裘
雪霰門長掩霜華月自鈞
主人能館我携杖復來遊

春園晚眺

霽晚宜登眺韶光半已非
瓜田鋤五色蠶屋掩雙扉
社燕家家壘風花陣陣飛
蔣生三徑窄無計駐春暉

常治寺尋僧不遇

黃昏來古寺一犬吠僧門
馬倦高低路鴉啼遠近村
燈明多寶塔柳暗給孤園
杖錫知何處寥寥鐘磬喧

宿靈巖寺

荒城西郭寺客到正聞鐘
清梵三更雨黃昏一夜春
幽佛
樓元秦鵠陰洞舊藏龍
聽盡蓮花漏曦輪上遠峰

過襄城喜逢李禮山話舊

名公高據首陽阿靜裏乾坤獨放歌
味道翻嫌黃絹淺探書得自紫陽多
還持藜火親書卷莫著荷衣老薜蘿
司隸清風渾在眼龍門肯許外人過
漢李膺襄城人

七夕寄訊曉壑社長

梧桐葉落月斜暉烏鵲橋邊織女機
入去獨携陶令酒秋來還曝阮家衣
半墻野色叢青靄隔嶺鐘聲度翠微
今夜孤舟何處泊滿天風露塞鴻飛
結句可奉王李之坐

過李銀臺先生墓

時有盜警

高墳五載照乾坤何物中宵抉墓門縱有龍蛇翻地軸終
勞神鬼護山根慈烏陣陣聞哀響孝筍斑斑寄淚痕慟哭
西州城外路羊曇不負舊時恩

晁村悼李砥石洮石兄弟

新墳纔幾日聞已過豺狼秋草頽垣斷寒雲老樹蒼鴻篇
小庾賦世業令公香薄暮村南道思君淚萬行

顯亭云感思懷舊之情俱見

二作

鄭烈女墓

當時貞烈表遺文馬渡河橋見古墳應是彩雲並蕭史不

同青塚弔明君金隄水淺魚龍沒玉女祠荒草樹分惟有

楊花日暮起滿天吹落白紛紛

錦帆云通篇遊衍自如

讀潛山令李孚公先生殉節卷

聞道潛山令曾留正氣歌捐身在王事誓死對江波赤子
千峰小黃雲百戰多至今尋舊史直筆定如何
大節潛江在流風野老傳鸞弓殪猛將伏劍答皇天水國
干戈際乾坤板蕩年至今忠烈誥讀罷淚潛然

菱谿詩集卷四

四明周斯盛配公先生

雍丘何彝光叔獻著

桐川俞長城世寧先生

選

同社侯運昌敬帝校

題孟安道樓前古槐

有序

古槐者明宗伯玄鉢孟公所手植也時經革代培
護深矣文孫安道以鄉薦前茅蒙恩特授中翰此
槐蔽芾殊倍他年異東陽之朽蠹顛西掖之梧桐
亦靈木也夫留連大樹尚念公孫而剪伐甘棠輒
思召伯况賢亂之續緒司綸之接武者乎爰綴蕪
詞用陳世德

奕奕春卿第葱蔥內史槐朱樓窺萬井綠蔭掃干街老樹

先人種華軒上客借夢遊蟻子國位歷晉公階鳳沼常聯步

雞枝此散懷以上二聯清切可味凌晨聞鵲噪傍午見蜂排葉綴黃

扉鑰花懸紫禁牌典切苔文渾作繡蝸字欲侵鞞鑽燧宜寒

律驅風用古莖飲和多歲月遇變幾煙霾蜀相祠前柏宣

尼廟裏措幽香逐荀令比擬俱妙清韻毓嵩崖百尺元龍卧三

杯曼倩諧藏書聚蝌蚪置酒宴朋儕逸興攀枝發吟情與

俗乖遺篇追屈宋宗伯公有詠槐詩新論倒江淮弓冶真無忝勲

名諱有涯勤勤引朱履去去屏金釵顧我林中叟堪充爨

下柴膺門倘不拒隨意訪青齋結得道緊。排體忌窘澁險韻難自然此作風華典

雁絕去二音之
病允應擅場

訪商丘劉山蔚時聞嘯史計音

青藜聞校越中書欵與歸來奉板輿弱冠同遊修竹苑白
頭今到草玄廬雞壇搖落君為長鐵硯生疎我不如况失

天台作賦侶樽前流涕重躊躇

中聯雅韻而
兼雋永之致

贈馬愿士

披荆剪草市南頭磊落軒昂三十秋綠蟻樽空今北海白
眉人是古襄州牕臨玉女樓臺迥路入梅花洞壑幽每過
君家懷大阮黃公鑪冷不勝愁

沉鬱有少
陵風味

訪孟嗣宗留宿

扣寂空庭問草玄白雲深處古城邊箕裘大業承三事絲

竹閒情比萬年孟嘉字釀酒陶村餘負郭藏書鄴架剩牙籤

龍門不許尋常到今日山中借榻眠雅淡之作

嗣宗連舉璋瓦戲贈

鵬冠鳩杖久逃名比歲常深兒女情今日媿媿相對舞尚

平婚嫁早經營

太冲詩句憐嬌女常侍風姿有鳳毛况是梅開臘酒熟樽

前可置晉山濤真情可挹

聞侯敬常復應梁園館聘寄此

十載丹鉛仗主盟春來忽作大梁行侯嬴未厭為關吏曾

子重來戀武城縣匣裏星芒孤劍在牕前鶴唳朗吟生傳

聞警蹕臨河岸榜億何人薦馬鄉秀

候耿綠芳不遇綠芳舊爲

異寧台

昔年曾到若園亭隔歲重來石髮青大曆詩人推耿滯小

山叢桂老與寧照合飛鳧未蹕神仙鳥遠景虛瞻水墨屏

卜氏傷心情漫切諸孫幼子待傳經

贈寧陵呂生係新吾先生族孫

昔年稱孔李今共阿戎遊漂泊存家乘風霜仗傲裘蹇驢

仍覽勝蓬鬢總悲秋燈下胡麻飯王孫取次留

朝來云策杖訪舊杞州城君自携琴去誰當擁帚迎鶯花

春有恨風木淚無聲

凄然

寄語朱門侶應多縞帶情

落魄情狀寫盡

送劉陶菴掌教宜陽

桂榜吞吳氣儒冠適洛年漫愁囊索索須信腹便室有

登山屐門多問字船空齋無事日當為訪遺編

蔽芾千年樹南風信馬過間觀程氏傳高詠邵公窩絳帳

朝霞捲朱絃夜月多

警句

知音半霄漢相望在鳴珂

梁園和劉山蔚詠懷之作

用韻

携策棘闈十有三褐衣猶自混屠擔秋高萬籟聲蕭瑟雨

霽一天色蔚藍太乙蒸光曾賜照文園渴病肯分甘多君

興劇煙雲灑那得驪珠許我探

劉山蔚以宋山言梁園夜雨詩見示依韻奉酬

羈愁添夜雨興盡與回車起白露時虛度青山約久賒劍

寒餘電色筆老帶霜花新那得蒸光照泥塗祇自嗟

遶樹啼鳥鳥銜泥過遠車綠苔行跡斷紅粉艷歌賒屋漏

移孤枕燈殘爆碎花雋爽楚詞忻有託秋去莫長嗟

和孟叔度蘭梅詩

佳句傳來興自饒賞花庭院恨迢迢山陰蘭結幽人佩和

靖梅憐素女腰一朶寒香春漏洩幾回空谷影飄颻相如

倘許攜琴去爛醉君家秉燭宵風蔭

訪陳州齊誠之昆季不遇媽然

幾度扣朱扉清談事總違百屢禾已貯駟馬駕忘歸華屋
琴書敞閒園蕨筍肥鵲鳴有來客須認薜蘿衣

昨歲尋康樂今朝訪惠連松齋惟扣寂柏葉每談禪白雁

秋容老黃花野興偏他年倘過此定繫子猷船二作風度閒雅如不

經意

歐陽岡寄宿

何代歐陽里仍傳冠蓋名一開常索米三戶總編荆石馬

荒墳暗金天野水明解鞍茅店宿訪古不勝情閒雅似初唐口吻

夜次呂家潭口號

夜靜沙還白潭廻岸復青漁舟橫古渡鞍馬入寒星近寺

聞僧語尋烟聽戍鈴石橋舊燈火相對水冥冥

風格既整結復沉着

洛陽懷古

邾鄆凋殘古帝州姬公墨卜跡空留銅駝有恨荆榛滿金

屋無人狐兔遊形勝山河餘戰壘縱橫碑版卧荒丘多情

惟有洛橋水嗚咽濤聲日夜流

結韻悠然

裴公舊業餘鴛瓦司馬閒園盡鹿場白髮那尋同社侶紅

顏休問落花粧飄蓬野外人遺骸殘月橋邊客履霜回首

昔年歌舞地北邙松柏鬱蒼蒼

是題名作如林皆襲陳言此乃新警出群當合古人

讓步

訪劉陶庵于宜陽學舍書贈

甘棠何處所只見錦屏山一帶芙蓉秀諸峰孔雀閒

切屏字

凍雲籠峭壁積雪滿烟鬟為近廣文舍劉晨日在還

終日對崔嵬簾前數舉杯森森巖上栢何異嶺頭梅香火

賢祠閉煙霞古洞開泥深阻蠟屐雪後可重來

兩作雅秀風度飄逸

西行即事贈劉陶庵

衰年行販歷山阿登頓徒勞上下坡不耐風霜唯短褐仗

携書劍一青騾寒瓊鄭老貧如舊華髮安仁淚轉多

確切雪

裏相逢頻問訊高吟情緒近如何

篇內皆真切語

三山晚行

行出洛南地三山小結峰羊腸多險路馬尾盡纏松白屋

人難辨青帘酒未濃日斜尋古寺僧去不聞鐘

風景蕭然

葉署逢呂半隱先生因求詩序

半隱弟時為葉令

勝國詞壇憶舊盟鵬冠今拜古先生太冲豈有三都賦玄
晏元高百代名三戶鶯花思錦水幾年文酒寄昆城隱廬
近在琴堂內久客囊多白雪聲

留別家兄兼謝葉中諸君子

梁地隨行雁銜蘆葉駭過乍逢驚鬢髮臨別恨蹉跎葵藿
供三飯門牆列四科玩龍臺已矣飛鳥事如何澧水魚堪
釣黃山兔可羅楚氛餘戰壘漢陣想橫戈代異煙塵掃時
平黍麥和賓朋高座滿卮酒醉顏酡七子聲華盛三雍經

術多揮毫會共賦按拍總能歌累日歡投轄凌晨思渡河
贈言詞慷慨脫劍舞婆娑去馬瞻紅旭輕裝着綠簑環城
山起伏夾路柳逶迤祖席依亭障歸家卧荔蘿笑言雖暫
隔終冀慎風波

送周岷公明府歸浙

驪歌欲動重躊躇款段南歸賦遂初花縣績高循吏傳詩
壇人老醉吟車

沉着

橐中焦尾携千里燈下蠅頭寫六書黃

竹回鑾須獻頌漢家天子問相如

時傳大駕
將幸中州

歲朝喜逢孟叔度歸自張大叅幕中卽送歸幕

星散憐同調晨趨問索居燕臺金幾許楚國醴何如

警切
絕不

費力檄待陳琳草人傳阮瑀書談經開絳帳證道得橫渠雪

片飄雲卷梅香透綺疏高吟簾外徹雄畧幕中紆贈佩張

華劍遊梁孟子車典切暫歸當歲杪良會及春初雅俊宜遺

府衰庸媿散樗卑棲南浦雁奮鬣北溟魚時態雲霞改年

光錦繡餘衲生還入暮行矣漫躊躇風格既好步驟紆徐中間一語不可移動

允稱完作

過黃岡訪王寒荷雨夜留宿

訪隱黃岡道衣冠有舊門藏修依古寺疲病卧山村佳句

閒能得雄篇晚更渾書盈鄴侯菜瓜滿匊平園抗疏光前

史儒風被洛原盍簪聯祖父靚面隔山樊皓首余同老青

松爾尚存囊琴多歲月匣劍度朝昏柳暗柴桑里花明桃
 水源清操匹嵇阮濁世賤璵璠羸馬聊停轡東臬輒扣關
 迎賓勞仲子繞膝拜諸孫裴几還披卷幽庭獨樹萱促温
 缸面酒旋具盃中浚妙緒千江湧雄談萬馬奔良宵歡秉
 燭驟雨訝傾盆簷溜翻忘暑風霆欲斷魂莓苔增秀色池
 水長新痕一夕朋情洽千秋大義敦論文樽酒意期副少
 陵言

長篇典貴精實序次不漏
 一些少陵名篇不過如此

和邵少府冬日感懷之作

少府邵君燕京世胄威晚名門劉向之經術傳家

庾亮之風流曠代適佐吾邑之政纔過弱冠之年

鳳鸞作枳棘之棲神駿馮瑤池之步茲因冬序爰
賦感懷累牘聯篇總抒感慨悲歌之氣屬辭比事
全非風雲月露之文杜少陵觸緒興歌賈長沙卑
棲作賦方之二子寧讓千秋光不揣禿毫率成績
貂之詠無端燕句翻成畫虎之譏韓昌黎云東野
將有不豫然者吾道其命于天者以解之斯之謂
與

馬曹焉用歎蹉跎羊仲曾容我輩過

起便
爾雅

地僻時將紅藥

種軒開偏愛白雲多官閒且自耽經史道大何須隱薜蘿

萬里扶搖雙鬪從人前肯作扣壺歌

五刺
中心

少年為政本多閒，玄草空庭背客刪。茶竈煙寒風漸灑，官

厨水積雨潺湲。但將鐘鼎酬初志，不信漁樵訪遠山。殷浩

高名成底事，勤修大業簿書間。勸勉多情

塵事消除香燼爐，訟庭真似隱君廬。驅麻每到鳴鐘寺，合

掌常擎念佛珠。祇信家聲元赫奕，休言賈路盡崎嶇。展禽

卑秩梅真尉，千古清風照座隅。古人相勸

槐樹婆婆縣宅東，仲文慨嘆古今同。連拳繫馬賓初到，疎

洽啼鴉月正中。歲晏階除餘積雪，官寒節序類飄蓬。甘棠

召父多遺愛，豈羨東陽太守風。結應起句，典切絕倫

宦跡何勞據要津，翻嫌世路半荆榛。幾人夢醒黃梁館，百

輩爭驅燕市塵

看破世人

季子多金寧傲物少陵長劍只防身

三公絳灌尋常事詞賦憑誰作主人

滿腔幽憤全露筆端隨處發洩

雪霰盈階寒色侵散愁棋局罷登臨椒花有頌憑誰獻梅

夢無驢懶獨尋畫閣成樓傳曉漏歌鐘隣舍送佳音歲朝

衢巷喧車馬少府先生正苦吟

寫盡寒暑情狀

非關饑餓走天涯少府職銜便不差斗米銚銖分養鶴詞

庭寂寞伴啼鴉晨昏屢見塵生甑疊盞誰云酒可賒少府

清貧人共惜五侯門館自驕奢

結帶諷刺

風雪全銷冷署魂鶴裘欲典淚雙痕夢回渾忘身為客吟

罷常當月滿軒公廨觀梅同水部柴桑種柳異陶村宦囊

共信無長物惟有初來書劍存

閒官無事起常慵傾耳辰樓五夜鐘頗怪塵生埋斐几却

從雲際眺嵩峰乍來拘束如新婦歷盡冰霜是杪冬警翹切

首四郊東作近好乘羸馬勸春農

佐宦雍丘初到時曾憐樗散髮如絲盧仝沒齒存雙僕仲

孺蓬頭刺小兒隴客未嫺黃鶴句巴人難和郢中詞知君

才調真無兩借問鍾期是阿誰自負不小

回首燕臺憶故鄉異方風物總堪傷款冬花好稜條瘦冬切

擊壤吟成滋味長切邵字但向雲霄圖樹立莫從人世嘆

炎涼公餘檢點無他事掃雪烹茶未是忙

七尺茅堂對野蒿，但言趨府首頻搔。多君近有瓊瑤贈，撫
已寧忘屬和勞。胸具別才披鶴氅，眼空浮世等鴻毛。相如
合有凌雲賦，愧我疎慵作反騷。前截紆寫已意，後截打轉
郤君足殿諸篇。和郤諸
作爲菱谿，晚年之筆直挾宋元之髓，格律一本
唐人真堪俎豆詞壇，壓倒世之矢口宋元者。

哭張維雍比部

星隕天官署，人亡杞國英。

起句
鄭重

姓名登御札，詞賦擲金聲。

樂鏡中天朗，崔心徹底清。

典切

昨宵聞訃帖，隣笛倍霑纓。

夙擅清通譽，裴公德業齊。金來真有畏，李下更無蹊。

四句
皆典

切銓部一
筆不泛

一卧留丹壑，三番降紫泥。斯人不重見，腸斷夜

烏啼。

湯池曾作令滇微舊掄材歷叙平生碑版羊公淚離騷宋玉哀

開庭餘几杖履跡印莓苔不共平生語淒涼罷舉杯

總角交情至衰庸愧後生小山猶詠桂大部已持衡德厚

鄉鄰許官貧含歛輕朴淡有味傳家有令子大業付玄成莊嚴的是

哀輓名篇

哭孫嘯史姻丈

匹馬衝寒雪苑行道旁人說喪先生蘇門羽化君家事千

載徒聞鸞鳳聲

投分相期百歲身乾坤一旦失斯人傷心再過睢橋水鳴

咽流泉淚滿巾

西歸準擬扣柴門及到柴門素旄翻繫馬柩前空墮淚棲

鴉依舊報黃昏

哀情宛然

玄經奧渺義難分除卻桓譚未許聞白首相如今若此路
駝嶺上哭寒雲

瑤琴擲碎不聞聲物在人亡無限情
聽下梅花開滿樹樽前誰與話平生

聞閉陶潛五柳門鷄鳴何又舞劉琨
黔婁自有安貧婦不用相如犢鼻裈

痛惜在不言處

貌悴神傷已半年樽前常爲故人憐
從今只作遼東鶴華表千年定一還

淚落猿聲不忍聞遺孤嬌婦付吹燠他年燕子樓頭句應

續離騷九辨文

真情雅調說盡平生王摩詰哭祖六李義山哭劉蕡備極哀痛八絕可續其後

題李禮山紫雲書院

王右丞朝川諸作清曠絕烟火氣傳誦已久時惟

終南裴廸與之唱和足稱交響辛巳予訪禮山

先生于襄邑家園話及紫雲書院勝跡皆其先

恭靖所燕貽者既作家乘備志之矣復賦古詩三

韻諸篇以紀其勝索予續貂其後因忘鄙陋勉賦

數篇以博粲耳若云希跡王裴則余豈敢

思古堂

山堂額思古題自二泉翁童冠迫遊數義農嘯傲中蓬萊
今有路焉用訪崆峒耶寶號

廣業齋

儒業富經籍探討本無際至理辨毫芒豈徒尋章句賢王
有石刻二字殊堪味

朗山房

山房構堂側覽勝意何極峭壁觸目看幽泉傾耳得霽曉
開軒處蒼翠萬種色

迎春架

蒼稍植何年柔條今成架迎春春未來暄景元難假待得

花開時偃卧禮陰下

柵闌

山逕多石闌柵葉更相蔓牽扶嶺上行不覺雙足健盤曲
兩齋間綿亘何其遠

石磴

紫雲高百丈磴石積紛紜四山兩脚垂遊人迴不分日晚
絕攀躋縱橫麋鹿群

菜根厨

名僧香積厨寒儒藜羹爨不思肉食飽時有絕粒嘆此味
固無窮方丈何足羨

藥圃

甘芋山人食喜種輒盈畝石泉灑灑流灌溉資深培豈慕
江南蓴北人權消受

竹藪

山人昔種竹澗水浸籬深斧斤不得入新筍漸成林薄暮
涼風起蕭蕭萬籟吟

蓮沼

池蓮艷冶姿世以匹佳麗汗泥不染心濂溪獨深契花木
本無心幽人自取儷

菖蒲澗

幽澗生菖蒲綠流節節長節數盈九時路人共欣賞取以
供盤餐佳味真無兩

觀瀾橋

石橋臨絕澗澗水活活流雪浪相噴發湍急不容舟從來
觀瀾者于此可詳求

此君亭

幽亭萬竿竹青葱跨山脊石柱砥其門風霆不能厄落葉
正西沉倒影橫千尺

南屏

亭亭巔削成端正作南屏締視如將墜攀援不到頂亭午

望天光四面無纖影

東峰

諸山最高處儼然日觀峰
曦輪來相照注視影朧朧阿誰
此結廬遺跡半成空

磐石塢

大石如車輪群羊卧其下
似有勾勒文殊難辨真假倘遇
米南宮不惜千金假

靈芝坳

仙卉有靈芝祥光足五色
時生幽谷中或爲樵人得無分
薦華堂幾爲文鹿食

墨香泉

翰墨有香味亂灑石泉裏何期半嶺間涓涓流嫩乳陸羽
若重來欣賞殊無已

吉祥洞

石洞居山麓鐵窻窻復深名公此著書時爲梁父吟祥光
至今留山精不敢侵

羅浮深處書屋

書屋傍石洞窻窻似羅浮斐几閒開卷梅花清興幽經歲
無人到曰此是潛修

期仙嶺

半嶺繞佳氣云駐葛仙人遺廟建此間歲時肅明裡仙人
去不返紛紛來問津

夕照軒

軒臨李瑩

華軒當落日晚景更無涯樵牧下林巒鳥雀返故枝物類
有歸宿松楸凝望時

秋陽洞

爽氣入秋令煙光淨如沐土洞此開鑿幽人日誦讀薄暮
彈栗坐斜陽下喬木

稻陂

陂塘在山腰稻苗綠畦長泉水資灌深風吹色蕩漾髮髯

江南村煙景不能忘

讀易洞

大山忽中斷小山出卷石交鎖山泉口草廬當此闕似有
墓中人乘夜來談易

小石淙

林巒晝陰陰泉從石罅出明滅亂叢間暗流響如瑟啁啾
鳥聲幽惟見山翠嶺

郁李岡

書洞北岸邊斜岡栽郁李芳春花葉繁入夏果實美香氣
滿林中行人駐雙履

棠梨谷

夾路樹棠梨花爛北岡下素萼霜雪姿開時遍原野君家
伯仲賢何須讀小雅

使君口

左右夾山谿榭林微有徑昔年有仙官單騎來覽勝徘徊
不忍別悠然發清興

松籟破

山深雜樹繁不聞濤聲作安得樹干松高高棲白鶴仙人
眠未起卧看松子落

杏花岑

杏花紅十里多在曲江岸何意紫雲麓花開亦璀璨牧童
村外笛過此應留盼

呼鷹場

秋爽角鷹至獵者日相仍勁翮迥凌霄緝繳亦何能黑白
有奇品夙昔詩人稱

紅葉徑

經霜柿葉丹群木皆將槁刀剪未曾施匝徑紅羅繞祗恐
秋深時飄落無人掃

避雨崖

昔有採藥翁避雨南崖下經旬不火食凡輩耻相假倏入

白雲去狀貌不可寫

果園

梅李山中食元不索奇珍結實當夏熟種種可肅賓何必
湘江芷持此贈騷人

龍湫

老龍須深潭淺水豈容卧漠漠一澄泓時有風雷作海若
倘飛臨大雨巖頭過

聞王林州先生崇祀鄉賢因寄魯公昆季

憲使勲名盛儒宮俎豆香端方宋司馬孝友漢中郎弱冠
風流扇中年藻翰揚南宮騰駿足北闕躡鸞行暫寄黃門

步旋提粉署囊叅藩居漢沔分鉞鎮荆襄安輯推良牧威
稜肅遠疆楚氛仗除剪郇餉足餼棧百戰窮蠖穴三年伐
鬼方功成膺寵詔績茂紀旂常武畧封疆著文風禮教彰
招才登屈宋較士辨驪黃邑種萊公竹邦留召伯棠深交
軫存歿舊好畧炎涼念寰分禾困矜喪助麥航雲亭問字
滿鄴架秘書藏沂水家聲纂河汾教澤長亡身在王事旅
觀渡江湘罷市鄉隣弔投詩故舊傷公評孚月旦清論滿
朝陽廉撫思前輩褒賢遵舊章酬勲宜血食陪祀大宮墻
令典國書載椒盤野老將光輝耀閭井歲歲薦蒸嘗

酬襄城李禮山卽用元韻

凝睇紫雲峰叢薄藏修幹石稜夾純流上起葛仙觀幽人
宅此中經行必長嘆芒履臙相尋棘針亦何憚聞君千萬
錢一索輒能貫薄暮懽聯袂長夜忽如旦軫昔衣冠亡嗟
我交遊散白首幸識君同心終不斷論詩鄙見殊君謂非
凌亂屈宋及少陵千古日星燦放翁與石湖方之特時彥
但于行墨間靜處聊把玩地隔山谷遙年衰齒髮換幾日
策羸駒翻帙窻中看

攀轅上徐大中丞青來先生

清心冰操大中丞儒雅剛方世所稱賜劍已能誅猛虎飛
章端不縱蒼鷹雄篇一代誇燕許勁節當年數郭彭

郭彭

幸得君侯堪鼎足他時國史可同登

天王軫惜中原久特簡名賢蒞此邦
薄海雖無舊瓊海錢江儼是昔姚江
關情赤子心誠切抗疏貪狼氣豈降漢代
埋輪千古頌明公勲業可能雙

輓睢陽田贊山先生

慘淡睢陽色昨朝喪大賢市休人總弔
星隕事空傳奏草無封禪遺書有太玄
墓碑題有道何日樹新阡弱冠曾聯轡
衰殘共訂文流年嗟逝水逸興托秋雲
紙帳人如在燈牕語似聞斯人不重見
老淚落紛紛作賦同枚叟傳經賴子方
詩書窺閫奧騷雅半門墻肌瘦

憑參餌家貧置鶴糧追思聚首日高論倒瞿唐
荆花知至性蕙草產諸孫昔到餐雞黍今來哭寢門封書
前日報壇玷幾人存淚落隣翁笛難招詞客魂

附錄

陳州素妓行同吳周行宋玉虎賦

宛丘之地多擊缶玉樓十二藏花柳次公治績子由風紅
朽家家足戰守騎驢來訪舊將軍錢子一公吾執友將軍
愛客敞瓊筵群妓同揮月下絃就中南北多間雜素妓清
歌一曲傳不用宮商尋譜牒漫勞樓閣畫神仙賓客滿筵
看素女翠鬢粉面雙眉嫵匣裏青蛇跳壁間殷勤欲學公

孫舞美人徐起按龍鐔山崩雷震力如虎七星錯落蚌珠
飛白猿驚叫沿江浦玉腕泠泠溥曉霜兩旁難入千人營
馮夷鼓罷玉簫停須臾日霽峭陵雨舞壇豈肯讓開元歌
聲仍自調金縷將軍感激扣壺歌灞橋十載卧煙蘿三君
爲我且劇飲少壯幾時奈老何我本山陰乘興客雍丘一
面情脉脉南來携有玉鏡臺取贈阿嬌當金烏華箋詩草
寄多時曾否玉人歡加額吳郎宋子皆豪邁爲我樽前齊
下拜採菊恰值在東籬觀梅正好來公屣勸君刮目奉巾
櫛千古風流一衛玠花艷羅幃仔細看今宵不作色荒戒
銀燭金樽坐徹明素娘無語重含情珠佩解來贈交甫瓊

漿滿飲謝雲英良會寧消春一度朗吟已過月三更散髮
簷前望朝旭憐君元不在床褥河橋折柳又別離撩亂霓
裳羽衣曲幾年著草舊羨臺今日尋春始暫來碧雲樓上
千年妾崔泌之有美姬掃
碧雲樓以貯之墮珥遺簪安在哉主人爲我掃
舊館明年仍赴菊花杯

花朝觀妓

歌館獨盈盈人憐百啣鶯雲鬢香霧濕石黛遠山明故掩
班姬扇仍調秦女箏從教桃李妬月下有飛瓊

詠雞冠花

池畔秋容老雞冠爛熳開書欄飄翠羽朝露濕紅腮鶴讓

丹砂重人疑
羆珮來小園
耽獨酌日暮
且銜杯

菱谿詩鈔卷之四終

沐垣馬集文齋鐫板